



雲養集 五六

~ 16
2439
3



和
2439
8-3

雲養集第五卷篇數

詩

沔陽行吟集三五十七

芳村稿十四

瀛島稿一百八十六

第六卷篇數

詩

東菴稿七十一

還朝後詩稿二十三

東槎漫吟一百三十五

己庚詩草六十六



室同居又妻貴
酒以供朝夕
飯顆詩愁工部寒四海名山攜蠟屐一生奇氣誤儒

冠良辰不遇頭成雪風雨中宵撫劔歎

流落荒濱不見親何期晚契白頭新幾回來守山門歲長伴行吟野

舍春贈答好進元白誼風流堪繼晉唐人一朝韻事成千古遂望黃

壚獨愴神

天奪芳居已不公公今又去我誰同人間樂事歸泉下分外奇緣屬

夢中不見詩樽對明月但聞松柏有悲風我辭凄苦公知否唱斷停

雲暮色空

元夜與石雲共賦懷芳居紫泉

行行荷鍾且相隨人事原來不可知去歲團圓尚無缺今年零落詎

曾期梅雨兩細迎春早竹塢雲濛待月遲衰髮惟餘君與我元宵依

舊共題詩

陶隱來訪共賦

君雖不枉我將過滿眼韶光奈爾何身畔始捐湘纍佩酒餘聊放楚

狂歌麥苗細雨村容美樹末輕風鳥語多來去安閒隨便住且同鷓

鷺浴恩波

夜宿石雲庄

樹杪日落四山清入夜猶聞布穀聲萬點星光田水白數家籬落續

燈明不知何說蛙羣吠那得同歸鴈北征綿襖春深纔脫却衰翁意

氣七分生

與諸客拈陸律賦詩

黯黯春愁對暮燈暫將酒力氣飛騰境虛疑是逃空客山寂渾如入

定僧老去營為當日事古來名達幾人稱黃冠從此歸田里却悔農
書學未嘗

遊聖田

筇屐相將興未休行行復到聖田頭雜花滿地三春暮流水縈村九
曲幽寄世百年皆幻戲偷閒一醉可銷愁 恩波浩蕩身猶寓遙憶
鄉園某樹邱

與諸客登依斗巖

幾年棲息此山中蕭灑長依石丈風避世有方非絕俗求仙從古盡
成翁斜陽紅滿邗亭外芳草青連郡舍東到處吾遊應不障莫教一
日酒樽空

浴佛日訪竹洞印岫亭宅

七載籠禽始放翰北園來問竹平安詩書滿架猶傳業祖稅先人不
見官病胃經春慳酒戶深村過節卧燈竿從今杖屨數晨夕松下應
開一徑寬

酒龍詩虎共爭雄轟笑清談一世空休讓百盃金谷罰曾聞六逸竹

溪風世卿之祖號竹溪賢而有文章蘆笛蠶眠新褪白平蕪雉落迴隴紅桃源不是

人間外只在桑麻鷄犬中

家從兄翠堂先生六十一壽詩

頭角差池共一衾豈知垂老隔商參溫公年德耆英會茂叔心期光
霽襟少日南陵廚膳潔平生北海酒樽深遙知此日長筵祝春草猶
傳夢裏吟

葵花的歷照長春冠冕巢由不染塵年到六旬猶謹約官居八座耐

清貧傳家自有青氈業處世曾無白眼人
聖代如今開壽域觥籌
歲歲醉茲辰

雙龍瀑用崔孤雲韻

白龍駢首戲青巒虺虺晴雷亂石間
諸佛無言都掛口鏡中人在畫
中山

伽倻洞途中

盡日行行杳靄中蒼藤古木畫冥濛
斜陽翳翳羣峯合虛籟泠泠萬
壑空地闢春陵逗佳氣
伽倻山有南人歸沂水想春風
此洞有屏溪
延君萊所

前遊渺若隔生事四十年来頭白翁
余年十七
曾過此洞

玉屏溪

漱玉清流蘸碧峯聽琴魚隊亦從容
先生一棹歌歌祇有雲山青

萬重

報德寺之遊余與成醉默換着笠子歸家為侑人所覺送人
換來其迂可知
兩迂相值易其冠酌酹歸來家少懼已把形骸忘域置更將得失楚
人看

素知醉默之園有佳櫻送一壺酒討換櫻桃
先生貪酒我貪櫻一樣詩家氣味清
瓦甌筠籠來復去風流何似換
驚情

避暑靈塔禪房

紫薇花發映禪扉雜鶯飛飛弄夕暉
筐貯圃瓜園友送瓶沽村酒野
僧歸高吟如聽漁陽鼓靜坐聊觀杜德機
亭午山房猶若熱清涼元

是世間稀

既望日觀又魚夜遊雙龍瀑

晚隨漁子倚溪行
隔岸人家帶水聲
危屐穿林身尚健
飛又落石眼偏明
湖洄人在蒼葭遠
窈窕詩成素月生
攜酒更尋雙瀑去
涼宵歌管不勝情

梁山守申洲陵寄詩分一片冰心在玉壺七字為韻各賦一

截次韻答之洲陵擬買屋於海美鴈湖里為歸老計距吾所

寓花井僅二十里也

海曲青山雲樹密
無人過問維摩室
年年但見南來鴈
歷數平生知已一

每得君詩吟百遍
依依奚翅綉袍戀
青雲當日仲容賢
雙鬢應知雪

萬片

關河千里夢飛騰
七點山高秋色澄
雙碧樓中賢太守
問人人道一條水

條水

臣分當死 聖恩殘縷誰知尚
保今從此身閒歸臥卧烟波萬里

白鷗心

自失芳居減風采
空山猿鶴誰相待
親知零落曉星疎
獨望中洲人宛在

聞說今年將買沃
浦鄉曾慣居民俗
鴈湖一曲可盤旋
繞屋清泉寒

漱玉

生平愚拙孰如吾
喜得君迂德不孤
晚聚一鄉非偶事
此間元是小方壺

春間蒙放逐鄉里之命八月三日始作省楸之行自花井發
行往返之間共得近體十一首

七年始復故鄉程臨路猶存畏約情園僕理裝家小喜復興出洞野
人驚殘鍾漸遠西隣寺微雨初過古郡城歸省先楸吾豈望長歌
聖澤淚沾纓

馬前歷歷記來程回憶當年去國情頻迹窮山人已老換身駭浪夢
猶驚幾歎天水圍僮耳且與秋風到洛城籍使宿累都洗盡豈堪白
首更彩纓

夜宿陽村李氏庄

平郊漠漠接江天一望川原意豁然帆帶斜陽鳩浦雨雲連遠樹龍
山烟砧杵聲起四隣夕擺種香生千頃田盡日衝泥還忘困慙慙相

待主人賢

宿平澤院村洪氏庄

院村即洪學士花園先生
墓村祀孫思齊即余壻也

陪臣死義古誰曾蹈海其人可並稱有口華夷同嘖嘖至今日月共
稜稜衣冠古墓想遺烈雨露新榮沾後承洪壻今春蒙恩賜第嗟爾女兒勤執
爨僮僮母急歲時爇

省廣州勒峴仲大人清恩府君墓

凌晨驅馬到山邱瞻望松門淚不收雨露風霜几幾易聲音笑貌更
難求生還罰薄乾坤大鞠養恩深歲月悠回首遑遑行出洞吟蛩啼
鳥使人愁

登歸川天雲樓作

謫居常說還鄉好及到還鄉倍愴神遼郭人民非昔日謝樓風月屬

前塵宋謝莊有五子以風景山水名之吾從氏五人曾扁其所居曰風景山水樓林園尚記陪遊樂書

卷猶看手澤新村裏兒童相指點嗒然生客是何人

乘舟發牛川

斗陵江水潑油如江上人家半是漁即看山川依舊在誰教鷓鴣與人踈鴟溪舟泊沽新酒牛渚人喧趁早墟小坐舊時垂釣石依依光景廿年餘

省楊州平邱月谷先墓

流滯湖鄉隔故原年年寒食枉銷魂一生顛沛違先訓今日歸來亦聖恩心戀孤邱常反顧淚零烏哺不堪論奠雅淚落林哺烏此身不及堊前樹長護堂封立曉昏

省楸歸路宿崇禮門外兄弟叔侄團會叙阻依依不忍別賦

呈翠堂從兄

城隅信宿路將分咫尺觚稜隔五雲終南山色幾年見長樂鍾聲此夜聞弟顏衰比兄顏甚家事艱如世事紛腸斷蕭蕭南去鴈那堪明日又離羣

自南門外離發感舊而作 離家七年之間食口盡 歿京弟性老婢守之

蒼黃記昔去家辰妻少吞聲淚滿巾豈意七年歸里日並無一箇迎門人舊居八望心酸楚老婢當前說苦辛剝魄零魂飄不盡可能隨我渡銅津

渡大津

孤舟曉泛大津頭渚淡茫茫不辨牛弦望隨時潮長落圻湖分界水中流英巖屹立顏波柱眉宙遙橫半月秋借問並鄉何處是滿天風

雨下西洲

十月三日石雲蕉亭來訪共賦

亭臯葉落雨聲涼看劍引盃消夜長棲卧餘禾整婦利繞籬佳菊圃
丁香衰顏難借仙方駐病齒曾經世味嘗初志桑蓬今獲落自將蠹
稿試池裝

次韻答韋堂李洪川近憲

知君憂道不謀身老去徒為市井臣猶有眉間奇氣在無多海內會
心親幾年枯槁悲湘累晚節優遊慕瀨濱湖上白雲留我住不妨喚
作來歸人韋堂詩有如何欲
作酒陽人之句

冬至翌日陶隱來訪共賦函前盆梅

短短身材雪色濃年年不改舊時容朦朧新月窺清沼澹蕩春雲展

碧峯應有佳期來翠羽已知喚律屆黃鍾風緣未了今生債抵死窮
廬肯我從

詠古梅一首屬老姬

紙窗燈灺坐兀然寒梅一樹正堪憐如今不是貪尤物微爾誰能慰
暮年體態龍鍾猶自力夢魂清絕不成眠蕊珠宮裏前身事曾托香
名齒列仙

與石雲老人詠梅

寂寂依依倚小窗明璫玉蕤照蘭缸先春偷得番風一抵曉狂吟白
髮雙仙子由來隱姑射美人忽到憶湘江衆香諸佛何時現應費維
摩一力扛

夜與石雲及諸客共賦

睡才一局日沉西酒未三盃醉如泥小帳生溫爐火聚遠山欲雪野
雲低人閒便是逍遙谷境絕誰非卷畫溪稍待春暄羣蟄動烏藤蠟
屐共提攜

至月十九日雪

萬朵琪花一色空誰將羯鼓奏神功蒼茫古木寒雲外暮雁孤烟白
屋中大界方知無缺陷泥元疑是闕荒鴻謝家吟絮稱奇絕爭似童

孫伴太翁

石雲有孫全麟幼年能詩
今日賦雪聯句祖孫同參

夜與陶隱菱石金蘭圃景烈共賦

滿林凍雨灑窗頻小道人來墊角巾酒話淋漓燈吐焰詩情枯澀墨
生鱗看書時得心中事憂世渾忘局外身安土不知離索苦溪山鹿
豕可為隣

癸巳除夕

平頭六十是明朝坐對孤燈手自挑往事商量神邈邈流光點檢髮
蕭蕭夜來薄醉難成夢雪後餘寒尚逞驕北里詩翁今已歿新年誰

復和已謠

余自棲靈塔以來每逢除夕
與黃紫泉賦詩唱和今亡矣

元月四日與諸客共賦

碌碌浮生一夢長春風吹醒卧湖鄉窗梅結子曹公大瓶樹開花謝
豹香舊雨有書方掃榻新年留客共飛觴癡情恃老還堪笑隣少來
時獨拜牀

寄寶城謫客李澹寧學士

歲暮關河阻故人天一方文章元有厄 聖主豈終忘心共湖雲白
眼窮驛樹青寒梅凌雪吐欲寄意茫茫

輓沈鍾山同敦

風流湖海老詩仙三達仍兼五福全日下舊名傳落葉桐鄉遺愛淡
新阡悔將雪棹違乘興幸有郵筒可證緣想像香烟霏霧裏玉麟還
抱去朝天鍾山有孫名晚鍾山兩月而亡

成醉墨來訪共賦

幽居自擬少微星誰過寥寥楊子亭梅影橫斜纖月白笛聲中斷遠
峯青愁來中酒仍忘世老去經春不出庭石上古琴時一弄簷端惟
許宿雲聽

與石雲陶隱登靈塔賞花

烟嵐淡鎖洞門平松下風來醉帽傾暇日殊非尋勝計老去猶復惜
春情安排款石支茶竈收拾幽花泛酒醜菜飯一盂僧供淨兩餘新

看木頭生

浴佛日會元坪石雲庄作

槐爪新生柳絮飛佛辰風物正依依樹杪鳩喚經朝雨屋角鷄鳴近
午暉共擬攜筇聽水去那能無酒送春歸鯉庭知近榮旋日懶撲翻
翩換彩衣石雲次子谷沂中進士

徐蕙春晦輔送錢塘白一盆作詩謝之六月

豫章高士寄瓊枝洗盡鉛華出淤泥一派錢塘秋色到風清月曉少
人知

龍山舟中贈別日本公使井上馨此下二首乙未五月

橫舟飲餞大江空遙望星槎萬里通岸壘初晴塵雨後汀花自發笑
談中濟時須仗鹽梅手投分堪追縞紵風祗為東洋全局計廿年三

到患難同

行行相送到仁川海上風光正可憐少別寧須兒女態老懷自感雌

雄年余與井上同庚故云郭燕書說莫輕信鄭宋昭孽難抹偏酌酒勸君須勞

力青山長在六鰲邊

芳村稿

丙申丁酉之際待罪郊外寓居于松坡江上芳村田舍時作

宋松石綺老參議見訪于芳村寓舍臨別呼韻求和二首

丙申

吾生尚遠到頤期屈指人間罕舊知相對莫愁雙鬢雪轟談且作少

年時

一曲蘆漪與子期舊盟惟有白鷗知稍待前江春水暖可能一棹趁

花時

芳美村寓舍懷古

畏途無定居樓泊江上村初秋暫來寓居然至歲醜城市隔兩津差

喜避塵喧隣人尚未熟終日獨掩門西望豈毛浦東望歸川園不遠

生長里懷古欲斷魂叔祖有遺宅夢村村之東故奴今無存問落變

舊容越陌穿松逕第任頻相從時復送酒來寂寞慰我窮回看空蕩

野緬懷碩人風嗟我元祐籍沉淹百年中九原難可作誰能濟川功

夢梧相公立朝正直與人多忤然惟義所適心無滯莽正廟漢重

之嘗稱金某留中不留渣滓是空蕩蕩底人自倚銅樓有過卷之知

反勁蕩蕩空野不復春光入酒盃○日長山南漢山名也

除夕日雨

臘日凍全消江天黯靈霽曉枕聞浙瀝白晝窗猶梅涓涓通百脈寥

寥閉羣喙炊餅烟不起隣比閭相閱兒童惜新衣撫玩空自愛開門

不見山空濛迷三界天方改陽曆玄冥斂手退夜渡風怒號有如江河潰匈鳴紙帳動孤燈耿不耐誰知風雨裏歲君暗相代時國家新用陽曆除

夕節二月也

送玄君舜韶

丙申夏余待罪城外經歷秋冬棲遑靡定玄君舜韶從余于流寓之際終始無倦丁酉春以親

老辭歸河川賦贈近體一首以識惜別之意

憶昔禪房邂逅奇伊來氣味若鍼磁周旋顛沛流離際閱歷憂虞疾病時鄉國經年猶阻信旅匈無伴獨吟詩春風吹送西湖棹一曲驪駒淚欲滋

贈羅文卿記注

文卿春信仗羅公德憲之後

建州當日義聲高何異中郎擁節旄如此忠賢宜食報莫教優孟歎孫教

家山千里鴈書違旅食京華問幾時門戶不愁長寂寞封胡過未摠瓌奇

聞歸川天雲樓失火急往見之感傷而作

十月十五日

先人堂構一朝休天意胡然警鬱攸敗瓦惟存行藥砌寒烟空鎖讀書樓兒孫棲屑將安庇經籍飄零半不收三十年來遊息地如今無復典型留

斗酒途中

澄江一道兩山開夾岸行人鏡裏回斜日片帆何處落酒家遙在白雲隈

哭亡孫沁得

至月十八日

來何故也去何因一夢居然歷四春哭送青山猶望返世間誰是鐵

腸人

和氣凝眉簇一團嬉遊啼笑摠堪看百憂對汝渾冰釋常得衰翁破
涕歡

隨人拜跪見天真學語聲牙日日新偏好太翁暫不捨偎腮抱頸誰
能填

強節悲懷抑累歎此生那有更逢期惟希夢裏來相見其奈無眠夜
色遲

此去家山路不迷祖孫姊妹好相依滿阡松柏蕭蕭雪慎勿啼飢待
我歸

瀛島稿自丁酉臘月至辛丑五月

余待罪芳村寓舍丁酉至月臺彈復起被逮囚禁旋蒙濟州

牧流終身之命臨發登船作示兒裕曾

光武二年冬南至日之夕家僮報急書呼燈忙手披積罪久始勘
天威不違咫尺貸一縷命島配以沒齒渺渺天一方耽羅何處是控
愆遂束裝赴京將對史病姬驚且泣稚女隨號起牽衣復頓足語別
不成理顧謂汝勿悲我罪自當死今得戴頭去皇恩浩無涖耽羅
非殊域猶在南國紀况今多雨露生還猶可企拂袖出門去乘家如
脫屣天寒星斗朗水洑塞江水朔風一何勁慘凜欲墮指暝踏箭串
橋夜宿真色里東望月谷阡省掃長已矣平生忠孝志老作檣杭比
悄悄仍無寐隣鷄鳴不已回曙聞人喧子侄來省視路逢緹騎至催
我入城裏隻身就囹圄四顧無所恃幸免桎梏苦蓬首蒙絮被李台
三隱李尚書承五同被命衰瘵畧相似鶴咳和蟾喘抵足互相倚罪重罰猶

輕彈章若不止外議頗洶洶性命薄如紙萬事只任天不如塞兩耳
廷尉招宣 敕長流如前旨夜出南城外頽然遂頓委揖擋兒獨苦
達曉辨行李家人競來別奔走錯踵趾阿兄老且病流淚惜遠他不
忍慢言訣長跪祝遐祉重念湖山外獨有七旬姊相見知何日憂來
不可弭舉手謝城闕回首向南鄙滯留仁港獄候艀屢淹暮心繞雲
山鹿身同園中丞臨發意浩然踟躕復何俟家事不須念有汝幹蠱
子從行有羅君夷險心如天吾老身尚健又能耐垢恥濟州稱福地
水泉亦云美我生遭時艱顛沛遂至此此行雖無期運途豈終否天
日照覆盆萬里階前通寧知此艀頭回眺更作喜

搭乘商輪海龍船赴謫

杳杳炎荒外生還問幾時徒勞秦嶺望長作楚囚悲自恨謀身拙方

知處世危瀛洲應不遠採藥訪安期

兩囚相對坐嘿嘿度寒宵昏暗猶迎月燈殘不辨朝瀛寰方決裂身
世獨漂搖萬慮都拋却長風駕海濤

行舟纔兩宵去國已千里星接斗牛躔波通吳越水羣山有廢倉木
浦開新市歷歷記行程拿山來點指

倚舷回首意如何故國山川一瞥過六十年來無定處耽羅從此是
吾家

地簌天揚一粟微檣頭出没旅魂飛謫囚孤島猶餘罪戾遣陽侯報
虐威

到泊濟州入獄中作

一入園扉夢寐安蒼茫家國暮雲端昏昏似墨惟宜睡髮亂如蓬不

用冠舊鬼還逢新鬼喜今年稍比去年寬

相見悲喜為說兩年蓋兩也

之若令積水連天消息阻夜夜長依北斗看

窮冬無雪草芊眠里老相尋衣薄綿橋塢石垣千戶色蠶風颺雨四

時天房精猶照攻駒地星象曾聞展幣年夜淡杵歌腸欲斷北城遠

客坐惘然

杵歌

偶吟

庭除芳草雨餘新殘臘風光似暮春白晝昏昏如中酒開門不見北

來人

除夕

濟州城北逢除夕寒烟幕屋圍扉寂不見歲華照眼新但聞城烏啼

啞啞燈前聚首說鄉情千山萬水不記程高歌擊壺聊遣悶撫劔叱

叱神鬼驚丈夫不能為國效一死瘐死此地死何名黃霸空有聞道

志絳侯方知獄吏貴多謝諸君義氣激慙慙持酒來相慰我本衰老

不勝盃為君今夜強盡醉

步三隱尚書韻

戊戌

殊鄉物色變新年籠裏雙鵬意惘然澤畔吟騷悲故國涪州點易愧

先賢一生乾沒成何業萬事商量只任天豈識春明聽漏客同來海

上弄風烟

和鄭葵園丙朝洗馬次韻見贈之作

早歲英名駕子安鸞漂鳳泊更無端云胡憔悴紉幽珮伊昔從容侍

偉冠湖海一生豪氣在瓊雷相望 聖恩寬竊愁萬斛誰能瀉每得

君詩破涕看

時葵園兄弟分瓊海島如蘇氏瓊雷故事

復疊前韻和徐養泉周輔參書

在朝不獲一朝安漂泊西南孰究端海外今無聞草木日邊誰識舊
衣冠賈生才大終難合杜老懷深強自寬試問茲遊奇絕處漢挈山
色入簾看

險夷不滯覺心安何似危舟坐呂端苔砌時攜靈運屐塵箱無用貢
生冠罪深敢道秦恩少春到應聽漢詔寬相對七賢塵談細踈籬宜
把竹林看同因者
共七人

復用前韻贈三隱尚書

自然流涕似素安奕世若家位揆端白首豈知同珙珮明時不忍掛
朝冠行吟千里孤舟遠卧病兼旬斗室寬蟻穴功名成底事覺來猶
是夢中看

却從日下望長安雲海茫茫不可端暮歲光華登白簡野夫身世落
黃冠口防時事三緘固目極庭除十笏寬聞說此鄉花事早東風肯
借老人看

流落江沅作宴安莫將羈恨上眉端求名盡是爭蝸角驚俗何須戴
鷗冠漸忘機心眸子淨嘗來世味肚皮寬不如日喫胡麻飯細抄丹
經着意看

復用前韻要同人唱和

庭樹風微宿鳥安新年新月掛簷端睡餘聽水仍欹枕醉後看雲每
側冠豈是學疎牆面立只緣詩瘦帶圍寬諸君為我穿圭竇好把塵
編卧細看

吁嗟壞事在偷安治國治家只一端但見猩猩鏡口舌仔看鱗介混

詩集 卷之五 十一

裳冠閉門直想千年舊
擡眼寧知四海寬
不恨今人不見古
恨今不使古人看

貧到無錐尚可安
東風掃盡百憂端
好書多售蒲葵扇
新製欲裁椰子冠
一鳥不啼春晝寂
雙魚難到海天寬
頭頭圓嶠千峯雪
便作真形畫裏看

正月六日枕上作

皇天多事賦新春
次第分排六畜神
屈指明朝人日到
也應吾輩出頭辰

狂風終日捲濤瀧
客夢頻驚雨打窗
更鼓無聲童子睡
燈花自結照殘缸

濟州雜詠二十首

三穴留神蹟
千年闢肇基
奈何崇報地
不見降香儀

祀典矣甲子以後廢之實久典也

靈區隔世塵
風俗似朱陳
童稚語音好
應多避世人

陳村並世外間區自相婚攝如古之朱陳也近年陸地人多避亂來居者

密網幕茅屋
寒烟縈石墻
喃喃村婦語
風氣近扶桑

甚元

山北清風足
山南瘴雨垂
西疇春事早
二月聽黃鸝

縹渺瀛洲上
雲深鸞鶴停
何時登絕頂
俯看老人星

遙望東巫峽
相傳古洞天
陰罔留白雪
丹竈散青烟

元日鞦韆會
靚妝出樹端
羅襦沾粉汗
不怕弄輕寒

迎春鼓角發
先遣木牛耕
殊域逢佳節
隔門笑語聲

雲集 詩 卷之五 十一

擔水香肩重擅薪玉腕斜憶曾京裏子三夜宿儂家

郎住朝天浦妾居山底瀕春來商舶湊兩地物華新

三餘燈下苦不及操奇贏努力乘潮去歸來五馬榮

橘子如金瓶中藏碧玉酒年年登貢乞恭祝聖人壽瓶

翠袖映檀暈洛妃初返魂不逢金屋貯憔悴倚籬根水仙

家家饒放牧馬畜彌山林不是天閑物蒙人枉費心元世祖以濟州房星分野宜馬

畜達官牧馬至今畜牧猶感然皆果下種也

皮服宿巖阿瓠田種菽麻披雲耕白石經月不歸家

筠笠與髻巾皆從寒女出遂令半國人賴此藏頭髮

可憐採鮪女歌嘯游溪淵恰似鮫人沒雲濤正渺然

有竈烟無囱燃松夜代缸網縵生暎氣滿室老牛香

夫閒婦獨忙家政在閨壺終歲治荒畬良辰噉美飯俗稱稻米飯為美飯惟歲時令

節食又

繩冠擁狗裘自道青襟子生不識官門終羞贅府吏出入校院之士子稱曰青襟猶

內地士夫之稱也

山谿無忌獸野畝有餘糧歌舞神情悅祈年廣壤堂

昔賢多不過此地即湘潭遺躅森羅在風流映斗南

次韻答寄安厓石老友

桂山昨夜草堂雪千里遙憐范叔寒頭見天涯垂玦珮不須歲暮歎

金丹夢中誰識相尋苦老去方知遠別難滿地滄波人宛在暫憑北

鴈報平安

移館翌日葵園有詩相問次韻奉酬

人生本無定有如星離次咽甘莫辭苦由儉易入侈達人平等觀處
世為遊戲窮途得一殮暫飽亦可喜莫言暫飽易定亦天所賜
久居漆室中出門始見天賓至復如歸幸逢主人賢回首念舊伴去
留何其偏咫尺城東路遲遲馬不前少別不足悵情理亦固然
舉舉葵園子開口吐清辭良驥雖暫蹶豈無萬里期羈愁亂如麻驅
除待君詩昔欲居南村素心共析疑誰知天一涯成此萍緣奇
佳句如對話絕勝孟公牘朝起指病眼屢回不厭讀衰懶應相恕願
唐睡一局此地頗幽勝林園清致足請君早見顧憑欄共寓目

避亂十二絕句 二月

毛笠白巾南字棒滿城風雪鬼呼聲誰知謫計因民起據險終看跋
扈情亂民房甲因民怨倡眾作亂皆著毛笠白巾所持棒書南字為標蓋南學黨也南學者祭山求福背國信藏之徒也奪據州城

連夜呼諫其聲如鬼

朝天義旅望風奔謫客蒼黃遂失羣同此患難還獨去臨歧回首淚

沾巾房逆據城叛脅諸謫客欲與議李諸謫客乘夜逃走城外至朝天津浦與前判官全膺武伯義募民討賊房逆率眾至義旅前潰

諸謫客一時奔竄余與李台東走海上

朔風如割五更天石徑崎嶇馬不前行到路窮成阮哭茫茫海水接

青天夜行七十里過地尾山濟州終境也前臨大海無避可渡

到處皆疑畏約踪主人義氣破家容一旬風雨溪東屋鷄黍慙慙養

病慵沿路村人皆疑述踪不欲納至力煩村夫先達南注懷慨請舍于家曰我自破家當之必不累及於他人留宿一旬頓遇甚勤

城山獨立海門東半入雲端半水中朝日初升光照壁晴空擊出玉

芙蓉海邊一山如芙蓉發崑崙山皆石其頂寬平而石壁四圍故名城山出日為濟州十景之一

博陵義士天心丹玩弄愚夫股掌間已誘妖蛇輕出穴肯令餓虎縱

歸山

歸山 謫人 崔亨 浮誇 房逆 出城 閉門 拒之 仍率 衆逆 斬之 二十日

房星昨夜落塗印無奈英雄運盡秋肘下墮囊猶在否冥頑直到死

方休當房逆敗死于城西四十里塗印里常云濟州房星分野吾姓房

于囊中時下玉璽 用東漢張豐故事

十日威風一夢虛靜思堪笑亦堪歎問渠得衆緣何術知有滾淵懶

驅魚房逆振臂一呼三郡響應死後民猶惜之稱曰 房將軍蓋愚民若於虐政不知順逆之分也

浦村一帶淺河灣鷗鳥漁人共忘還客裏光陰渾不記山茶花落馬

蹄殷

烟消鹽竈浪汶平採鰾村城兩兩行白足凌波不用機水晶宮裏步

輕盈右二首闕房賦平遠 向州成記道中所見

劫雨藍風過一場東隣西舍劇荒涼王家福厚超炎火客驚還棲舊

日標朝天子 向日之愛人家多燒毀獨全海 美以素得氏心得全一行復留宿

亂時人事各參商宣意生還復對牀相慶釀錢謀一醉從今無事賞

春光入咸見在摘諸友各叙 敬還聚誠非始料故及遂酌酒相慰 亂之苦暫

朝天館敬次清陰先生韻

危欄倒影入潮頭王子朝天閱幾秋百代光陰孤鳥過三山消息六

鰲浮參差鱗瓦鄉紳第簇立烏橋賈客舟日暮瓊樓迷北望海雲渺

渺不勝愁

橘園雅集第一會諸摘客愁中無聊會凱呼韻賦之命 之曰橘園雅集時戊戌閏三月二日

永日晴鳩喚屋頭客來揮塵散嶽憂貧無長物惟饒病老被傍人強

作遊美味應須沾下若奇書多是借荊州登臨欲送春歸去惻惻餘

寒掩小樓

雲叢集

詩

卷之五

二十

第二會

初八日會于橋園

詩卷茶壚送暮天那知韻事到愁邊小庭晝寂清如水遠宙初晴澹
欲烟林木復生濛濛想壺觴堪繼永和年仙風吹近瀛洲上擬學輕
身謝自然

第三會

十八日會于橋園

午風簾閣小童清鶯子窺人若有情海瘴遙兼浮翠積庭花時遣細
香生但消長日非耽句豈復餘年耐嗽名笠屐相尋幽事足不愁飛
雨灑孤城

第四會

二十四日會于三隱寓舍

細葛迎風麥氣寒詩愁日日帶圍寬學無根據那經世身似清閒尚
繫官老石當階癡欲拜遠山入戶秀堪餐子規一向啼歸去不識人

間行路難

第五會

四月二日會于葵園寓所杜燕洞

蕭灑茅廬對碧岑新晴筇屐好參尋出門惟有緣詩事隔壁終難辨
土音花暈纈簾猜薄日茶烟燒樹作輕陰依然洛下風流在酒後煩
君捉鼻吟

第六會

浴佛日會于杜燕洞黃小雲炳郁寓舍

天涯鷓鴣共相依飲咏隨緣却忘歸掃迹窮年恒兀兀回頭幻景摠
非非憂時空閱新聞紙經歲猶披未澣衣孤島疎燈逢佛夕佳辰勝
事每多違

第七會

十二日會于橋園

三徒通巷石為門

濟州俗以坊曲稱徒城中分三徒

處處脩篁畫亦昏枳子孤城懷

戰績橘林廢院吊忠魂
以橘林書院亭中廢
島田曉碩原無稅
島中無稅
杵曲嘔哇不可聽
尚濟州有之而歌載於邑誌今
幸際天晴波晏日長隣魚
鱉共涵恩

第八會
十八日會于橘園

安排茶竈與書牀
短髮飄蕭倚竹涼
十畝桑麻勞夢緒
四隣耒耜喜晴光
鷺邊得句青山迴
橘裏看蒼白日長
且任共吟今夜月
老夫清興未渠央

曉起開提壺

欵欵啼壺隔樹鳴
橘園淡處曉風清
居人不識形聲異
錯認枝頭聽早鶯

三泉齋次壁上韻
泉有三泉秋史金公謫居時嘗品茶味於此

北塘潮落柳絲晴
海水無風鏡面平
過境還忘遐土陋
攬時忽起故園情
清泉茶品分幽谷
宿雨桃花徧晚城
好得僂人遊賞地
此亭端合以愚名

宋松石參議輓

此世誰能葆傲真
典型君是古家人
一生好善不知老
州載居官猶食貧
滿座春風敦薄俗
空樑落月想精神
知應敬述堂前樹
長帶孫枝雨露新
開篋看書淚滿襟
初春絕筆到荒潯
情淡不獨松蘿誼
老去相期柏心明
月懷村聯榻宿寒宵
芳里擁爐吟悲歡
回首成陳迹
夢裏相逢可討尋

端陽日次韻酬成錦石旌義
後編

強把麝愁作酒悲 恩綸何日下彤墀
天心豈惜草荒裔 臣罪當誅
負盛時 萬里滄溟身似葉 十年過劫夢如絲
佳辰相憶君書到 始識神交若有期

泛舟龍淵十五日

棹歌日落湖龍淵 峭壁穹林滌瘴烟
曲折重逢巖上月 窈澗別有洞天孤舟萬里家
何在 長笛一聲人未眠 十頃菰蒲西郭路
微風吹送返冷然

遊三姓穴以我來松樹下高枕石頭眠分韻得枕字二韻

溽暑騰騰屋裏甚 坐卧流汗床簟浸
出門何處踏層冰 南望鬱鬱青松蔭
其下乃有三姓神靈之古蹟 品穴澹飭如窖窖
天生島祖元氣鍾 厥初原不資胎姪
復有神妹三人來扶桑 分治壺政執縫紉
人種

駒犢同繫行蹄角 滿山不用賃賢哉
星主識所歸 太史何日奏祥祺 歲時雲
仍獻 烝嘗霞旌霓旆翳共臨 我來彷彿
撥禹穴 古碑苔蝕松露滲 拄杖小立廣
壤堂 箕踞松根仍解襟 丹崖翠壁勞攀
躋 掬飲清泉肝肺沁 俯看千家撲地烟
危城一面大海枕 登高忽有范老情 悄悄
然畏譏而憂讒 去國孤懷今古同 而我
畏途亦忸忸判書井上一片石 行人瞻望
淚不禁 明良正交魚水歡 宵小已搆蟲
葉讖 已卯奸黨以蜂案書 禍事闕直道
處世儘難容 鳳鳥長逝翔媒鴟 滄海征帆
杳無極 操舵神功誰獨任 傷往事寫新詞
臨風搔首一長吟

第九會 六月四日會于楠園是日大熱

火雲覆郭鬱嵯峨 消夏無方且浩歌
劇暑難虞真服老 小風猶惠敢

求多清涼空憶登玄圃豪縱頻聞捲白波象鼻會將碧筒飲北窗一
枕到無何

七月既望與在謫諸人泛舟龍淵取赤壁賦中尤部五韻以

賦之

清涼一笛動新秋來泛龍淵續舊遊暮雨驅潮沉釣石駁雲漏月映
歌舟勝綠空擬千年跡歸思遙憑萬里流寄語篙師莫回棹酒闌看
盡興方幽

聞福男母子俱逝

惻惻復惻惻秋風桂枝折嫁與白頭郎豈意先告訣女也溫且直安
分善養拙能解農家理耘播時不失早晚擬歸田力穡共契闊風波
逐漂梗顛倒不可說三年不見面獨守空閨月哀哀完山鳥生離成

死別翩然將雛去寂寞歸丹穴欲將招魂返滄海莫難越棄置勿復
念念之腸欲絕

登紗羅峯觀落照

極目海門平楚如金波萬道漾霞車少遲明日還相見齊景何須淚
滿裾

八月晦日三隱六十二歲弧辰也二子來侍與諸謫客會飲
韶顏宛對畫中人籬菊庭蘭秋色新卿月曾高三省夜壽星來照十
洲春千層驚浪身猶健萬事浮雲境豈真舉酒莫言鄉思苦樽前盡
是洛陽親

九日與謫中諸人登紗羅峯

登高祇為客愁寬此日登高却少歡佳節懷人斟菊酒西風吹髮倒

椰冠波心遙指金烏沒
天上空憐玉宇寒
縱有望鄉身
化億碧雲暮
合正難看

聞李澹寧侍郎遊岱為詩哭之

尼山碧巖靈秀鍾魁奇
李子出其間
有如瑞鳳儀
玉壺滢秋水
天葩爛朝曦
髻鬣驚老成
發言挾藻辭
文章動海內
清節冠當時
貪污爭解綬
直聲震湖圻
樂易與人善
骯髒不說隨
歛手塵杆外
超然脫網羅
著書談道藝
對林樂墳麓
冠冕而菜由
爵祿不能羈
遯世豈其志
回首發五噫
我拙無能役
惟子謬見知
不待文字交
氣味感鍼磁
我謫君且病
落落水一涯
忽聞秋霜早
崇蘭遽枯萎
驚呼心肝裂
已矣吾道衰
雪霜方質質
誰與歲寒期
舉酒澆海天
淚落魚龍悲

和上翠堂從兄

白首經年別滄溟
萬里心風雲多變態
天地積秋陰
霸懷千杵亂鄉
夢一燈淡何日
逍遙屋對床
復共吟

次韻酬李韋堂

恨別江淹賦
悲秋宋玉心
疎篁鳴急雨
瘦菊對寒陰
故舊情何極
孤臣罪自深
壯年千里志
老作擊壺吟

次韻酬安厓石重陽日見贈之作

蕭條迷直北海氣
結層陰
佳節望鄉國
故人獲我心
幽愁知帶緩
老病劫盃淡
愧乏瓊琚報
只將橘頌吟
第三句即厓石詩
為客耽羅久
杵歌亦厭聽
品水修茶譜
焚香讀道經
風高海欲立
木落山如醒
夢裏鄉園好
覺來卧橘亭

眼看樓下水
直達漢江頭
波靜魚龍夜
霜清鴈鶩秋
湘纍悲去國
楚

客賦登樓且買城南酒駕言寫我憂
玉川居洛裏還與世相疎濠上知魚樂門前斷鶴書身同孤竹瘦心
似泛舟虛為報相思苦遙分咳唾餘

送呈坪基姊兄道軒李文

花井三宵話風霜十載過起居昔尚健顏髮今如何目斷征雲渺愁
爭積水多白頭吟望苦淒切變騷歌

記吾父母顏此世惟兄在兄老弟同衰限山又隔海往塵誰與論時
事又頗改安得中山膠一傾瀉礙磊

福園第十會

十月二十日

蕭瑟寒雲作暮陰四更缺月隱脩林江湖波浪何時定文酒風流此
夜淡園橘霜酣收貢篚山棉雪白入村砧明朝南浦送兒去獨對幽

篁嘯且琴

第十一會 蘭柳菊史 英錫主事

二十六日菊史見任本府主事家在廣州藍溪是夜設局

會八

塵話溫存小燭明其人如菊澹忘情幾多殘月曉風句已許瓊瑤玉
佩聲幕府秋懷孤角語江湖歸思暮雲生數家紅樹藍溪曲知道龐
公不入城

補溫齊尚書退老藍溪與菊史此隣故末句又之

晚契殊鄉眼忽明燈青酒白不勝情村間夜靜掩無吠澤國天寒鴈
有聲病起堪憐霜菊瘁詩成醜覺暮潮生何日共君攜手去飽看紅
葉廣陵城

冬夜無寐戲作回文二首 求和同人

風雨帶潮海岸沉北園橘樹夜森森紅梅古屋侵香細白雪殘烟鎖

蒼淡空界證緣生智境老年忘味有書琴宮商度曲遺歌九竅興幽
蘭澤畔吟

秋霜染髮客愁緣珮紉垂香拂蕙荃樓近水明虛夜月海連天盡淨
雲烟浮漚一世入今古揖遜三盃酒聖賢留滯此鄉萍跡冷謀忠効
蔑報埃消

八音詩

金鷄遲唱海門東石屋寒宵撥火紅絲亂宜思治世法竹虛刺有受
人風乾樽得酒忘家事土鼓停聲畢歲功革舊更新當暮序木根已
動錮陰中

建除詩詠雪

建丑之月既生魄除蝗瑞雪臘前白滿天紛紛琪花亂平陸迷離遠

山積定知上清羣仙會執珪驟鶴赴瑤席破壁風透燈焰搖危坐苦
吟梁園客成敗不論白戰場收拾鱗甲猶狼籍開戶遙憐玉宇寒閉
塞何時布陽澤

家兒買小梅一盆附輪船送來置所寓南壁下數日感開如

雪邀詩伴飲酒共賞

他鄉一樹有分明漢水春風昨夜生寂寞甘為孤客伴慙慙欲說故
園情高標耿耿星河淡瘦骨稜稜月地清最是酒醒人去後窗前跡
影畫難成

鄭茂亭萬朝承宣謫居金島次春間移館韻四首般僂寄來

復用原韻和送之

嗷嗷風中鴈歷亂失其次空有可用儀誰飾羽旄侈江湖多矰繳啣

蘆慎遊戲南方洲渚
 飲咏聊自喜帛書到上林
 庶見漢詔賜城南鄭公鄉
 韋杜尺五天昔在統理署
 僚友集羣賢羣賢摠時秀
 於子愛好偏潤辭裨謔後
 馳名盧隣前風波各漂梗
 回首一黯然自恨遭明時
 同作楚臣辭相望隔雲海
 會合安可期君家有惠連
 日夕共論詩時時應入夢
 得句不須疑細閱瓊雷集
 茲遊亦絕奇琳琅二百字
 媿媿代情牘知我勝自知
 怕向時人讀因梅時正發
 漉酒招隣局街盃試一諷
 慰我平生足卷中有神會
 何必窮遠目

三隱借梅邀飲共賦

山茶東畔水仙西澹蕩
 春雲壓樹低跚步何能千里到
 芳心羞與百花齊嫩寒增媚
 香肌瘦落月關情斷夢迷
 只恨靈均偏不採至今顯
 賴欲嘖啼

次塘雲立春韻

一度星回一度春木牛土鼓
 闌北隣濟州俗立春日造木牛作耕田之戲村巫數百人擊鼓為樂
 水消澗壑游魚陟沙暎汀洲
 早鴈賓滿地蘆芽衝雪短出門
 梅柳渡江新東君自是無私意
 取次番風到海濱

除夕疊前韻

明朝六十五回春生趣蕭條
 與死隣百代流光真過客
 吳鄉送歲若親賓孤燈耿耿
 情懷黯黯曙角嗚嗚氣色新
 且醉屠蘇呼五白不知身世
 落荒濱

元日疊戊戌除夕韻 己亥

桃符又換一番春祝賀紛紛
 動四隣已打粉糰聊紀歲
 更斟柏葉共酬賓市聲協吉
 千家喜雲物呈休萬象新
 祇有孤舟心繫在水開應

到漢江濱

正月三日夜赴三隱招飲之局

春來詩席喜重圓
筆似長虹酒似川
初月難分殘雪夜
餘寒尚逗早梅天
纏綿病入風霜骨
次第筭回髻鬢年
萬種眉愁都掃却
流行坎止且隨緣

次塘雲人日韻

牛羊鷄狗摠驅前
占得靈辰第七天
飽食逸居斯則近
圓顛方趾豈徒然
能參化育三才位
定有聲名百世傳
如此方堪稱此日
莫將閒事玩流年

次李我石除夕屠蘇吟三十四韻示同人求和

此夕足可惜
此酒依古式
隅坐先執燭
旅酬後杖國
盃到君莫辭
循

環理返極老者飽
歲月玩愒延息食
後生實可畏
來者未易識
愁城堅且高
非酒諒難克
旅燈共守歲
千金抵一刻
耳熱擊缶呼老少
各

自得函前一樹梅
千里移弱植

前冬自京第送梅一本置函前

樹木與人同
憔悴失

故域感歎發孤詠
幽懷寫枯墨
諸君江海士
南冠多楚色
錦繡纂心

口甲兵藏胃臆
誰知襄城駕
七聖路俱惑
邂逅墜坎谷
葛藟逆榛塞

虎豹當道嘯
山暗日欲昃
君飲此盃踰
險尚可力
昔寄沔上寺
五

稔不踰闕
每歲屠蘇會
談讌備藻飾
村翁爭赴飲
不畏寒
特特余時

序居中
四座俱齊飭
伊來十年間
半歸叩山北
人事終如此
誰能享

千億惟名不可朽
達人足求寔
酒闌須盡歡
看君頭尚黑
君子有浩

氣所貴
養以直
天壽心不貳
命途委豐登
溟鵬收遠圖
必資六月息

扶搖一朝起
騰翥青冥陟
升沈會有時
鸞鳩安能測
我當殿一盃
澠

池垂老翼代謝自然序餘生似歸劫陶然遊無何二豪亦在側為君
祝新年莫謂頌酒德

次韻和我石謎語人名詩

商飆初回古嶼春賈溪橋綠漲鴈家隣梁天長水國未歸客江寒盡
嶠夷寅生賓陽朝避壽嘉徵童貌返年延重光瑞旭舊邦新昌周何時
放與孤舟去許恩化軍敷障海濱施惠

謎名體詠水仙花

玉琢亭亭立淺漪起白暗中春意獨先知陰蕙甌恰好沉輕機潛陶金屋
端宜覆艷姿蓋黃賈氏窺簾香噴薄韓洛妃出水影參差必不青衫濕
盡與人似相如馬採珮寧須讓蕙芝何謎

十七夜柳菊史攜酒來共飲

雨色漫空潑墨圖滿城春睡一燈孤事多過境釵猶刻貧到今年雖
亦無辜負扁舟遊蒼雪空聞靈藥在蓬壺好裁百本梅花樹擬繼風
流范石湖

李我石邀飲共賦分韻玉壺買春賞雨茅屋余得春字七絕

望二月日

嫩寒輕暖近花辰郡閣東風柳色新枝上提壺應解事君家初試甕
頭春

蓮桂堂淡隔市塵蓮石所寓司馬齋一名庭碑苔蝕草如茵晴窗點

易爐烟細靜裏閒看六六春

兒生百日昨我石新也已知人佳氣蔥籠寶樹春此是佳持來世物

自應吾輩屬前塵

浴佛日與諸人共登三泉齋拱辰亭

拱辰亭一名品茶亭

海上孤亭閱幾年
鬪茶品水續前賢
烟波萬里開詩境
燈火千家作佛緣
芳草迷離黃犢外
峭帆浮沒白鷗邊
吳鄉萍會酬佳節
此事猶堪後世傳

泛舟龍淵

五月二十四日

柳灣日暮釣竿收
水面涼颼勝似秋
別浦縈迴分鷺尾
穹巖聳巖作龍頭
龍頭巖名平田雨過初停岸
晚步潮生欲放舟
此地年年河朔飲
霞箋雨墨足風流

三隱寓舍邀吟共賦

伏雨闌風小暑前
西隣炊麥喜康年
漸看橘子隨時大
劇愛葵花向日妍
留客常煩投轄井
知君又費畫叉錢
筭來行止原無定
寄語湘

蒙莫問天

奉酬鄭葵園賀子詩十三韻

裕問生後諸益多賀詩作湯餅帖

兒生但願壽未暇
祝餘福愚魯亦何傷
所貴至性篤我生
多險釁孤苦忒無匹
一子隨子子四廟臨
秩秩如彼車無輔
駝駝意靡億到老
不自期犁牛生驛特
親知皆動色賀語紛
相續撫頂喜不禁
思歸心倍速白飯代湯餅
今日是七日啼聲滿
四隣已覺和氣溢
窮居無好話好話今始述
聊將一盃酒酬君十三祝
天意竟如何肯否畀
後祿七月上旬夜向晨
大風雨凶紙亂鳴枕
簟蕭涼余仍失眠是
時葵園亦失眠示枕上
所得詩二首次韻和之

殘暑那能戰薄收
五更風雨竹窗幽
鬢邊蚊嘴渾無跡
墻角鷄鳴獨未休
不待藥爐蘇舊病
且將燈火接新秋
君看萬斛銀河水
洗却習

中不盡愁

鵲橋秋漲泛機梭傷別黃姑意若何離合亦應天上有歡娛可是夢
中多時愁酌三盃酒人事滄浪一曲歌頻欲乘桴浮海去卧聽簷
溜自鳴波

聞朴溫齋尚書遊岱之報愴然有作

名世百年間靈秀鍾一室長公寔我師王道達天德仲兮姿殆庶惜
哉苗不實仲氏諱珠壽自被執無願
吳常殆近生知不幸早歿季方江海士清高迥無匹名位
到八座立朝無幾日芥視千駟富遐情在邱壑虛明存神理識解超
流俗縱談寰宇勢舉世聽邈邈伊來數十年歷歷皆中節有酒時獨
酌習中氣勃勃哀哉狗鼠輩日夜事鑽隙不知棟宇焚响响且為樂
處世良獨苦不如逃空谷窈窕藍洲曲寤歌碩人軒案上何所有尊

藝與盍南鑑辨商周物有如淄澠別許氏文多誤經旨晦未晰著書
啟其謬曠代稱絕學客來無他語媿媿惟字說以茲韜晚年時人未
之識我昔遊公門受知自總角白首投荒濱生死長相隔公今脫形
骸翩然遊廣漠我獨何為者惇惇自貽戚

白露後一日會橘園

秋空寥廓本無聲澹澹閒雲豈有情感物自然鳴以籟緣愁若箇積
為城聊將白酒習中瀉忽看青山分外明收拾本來真面目今宵月
色好相迎

十哀詩并小序

吾平生師友有十人焉其人皆有忠孝大節廉公正直濟
之以經術文章處濁世而不汙立頹波而不靡其生死窮

通雖或不同歸潔其身無愧于古之君子今焉次第凋謝
不可復作矣白首漂搜顧影張觸於是作十哀詩

堯舜君民早自期茅廬當日許驅馳欲追殊過忘身瘁誰識陰功奠
國危大手文章雲漢沒滿腔忠孝日星垂艱虞時事公知否痛哭西
州一詠詩
右故右議政癸齋先生朴珪壽

池堂春水

先生所居草堂前有小池因名其堂曰池堂

接真源一點衝燈照破昏德藝分

齋治術備風聲百世薄夫敦窮居陋巷恒憂國當路諸公盡及門絳
帳絃歌今寂寞白頭猶誦書紳言
右 贈都憲鳳棲先生俞莘煥
學問淵源宰相才屈沉下位亦堪哀包涵似海心無滯任重如山志
不顧五畝田空身後計三英風挽夢中回蘭臺他日名臣傳奮筆誰
能記草萊
右故永春縣監綱堂徐應淳

大筆春容濯錦章獨持文苑似靈光賢愚皆得渾無吟窮達隨時澹
若忘空有草玄楊子宅猶傳詩禮鄭公鄉天涯涕淚憑誰吊落日淒

涼滿屋樑

右故刑曹判書素山李應辰

默默相看鄙吝消無聲至樂勝聞韶三年泣下子羔血五斗恥攀陶
公腰心不愧天知者少行無異衆自然高谷駒一去雲山暮不復偉
冠儀漢朝
右故翊衛司司禦春沼李淵翼

安危元不計身全祇有丹心不負天經術通明西漢相風流蕭灑曲

江仙孤忠已許申生孝

臨難時或勸公避公曰西銘申生之句吾嘗所服膺今不可苟免

直筆何傷

趙盾賢碧血千秋應不滅精光夜夜燭箕躔

右故總理大臣道園金弘集

天降斯人大任才有才無命嗟何哉拯民如溺猶遭謫憂國忘身反

見猜盜賊亦知伸由信朝廷須待李綱來忽驚灑灑瀕風檣折邦國淒涼萬事灰

右故度支部大臣一齋魚允中

高人語嘿合天機桂樹山阿獨掩扉晚公少時好憤世罵此人皆畏避冷視浮名如瓦狗達觀時變若蒼龜紫頭勸誤說文字

酒後放歌韓愈詩不見伊人秋水淡山陽暮笛遠天悲

右故工曹判書溫齋朴瑄壽

玉溫水潔錦心開表裏光明不染埃漢殿風霜鷓鴣立虞廷蕭管鳳凰來貧猶志薄千鍾祿老益名高八斗才賸馥殘膏沾後輩平陽招去不勝哀

右故禮曹參判澹寧李建昌

黑雲蔽月暗空城連帥當門怒氣橫乙未八月之變亂兵入宮洪公時帶聯隊長聞之馳至宮門按手前徒欲逃俄而刃九文加公至死為不絕口隻手綱常扶欲起一

身鋒鏑死如生伏蒲幾進忠言苦分竹曾聞吏事清

公每此侍兩

典郡邑以更有家中賢母訓千秋彤管定垂名公早孤大夫八以義

次韻和鄭葵園

丁東玉珮早流聲笑罵嬉嘲摠有情二陸齊名才似海五言無敵氣如城樽酒細話多懷古枕上高吟直到明眼看滕樓佳節近清風且待一帆迎

登運籌堂賞紫薇花有感而作

絳雪紛紛落醉中回頭廿載悵前因昇平館裏團藥日靈塔寺中枯槁人漂泊猶今霜鬢冷繁華到處露英新有情還對無情物繞樹微

吟獨愴神

吟獨愴神

遣悶

中秋後一日時
聞京中有駭機

前賢何事謾悲秋
顧我非今始欲愁
世故原來難測度
人言亦豈沒
因由身無鴻翼飛
千里心似蠶絲縛
萬周境過祇應堪
一笑浮雲起
滅自悠悠

抄秋佳日與洪旌義在晉遊廣環即洪翁第四子農庄

溪居不知節
閉門紅葉秋
隣老起余慵
始作廣壤遊
腰脚紆久頑
笑語忘羈愁
崎嶇南城口
逶迤廢田頭
亂石咽蛩蚓
衰草散馬牛
孤村帶流水
陶竈烟未收
洪厓有幽居
茅屋依山邱
禱事尚未畢
婦子饁西疇
場邊堆積禾
甕頭發新篇
稚孫見翁喜
鷄黍勸客留
踉蹌走橘林
仰看懸如猴
城市咫尺地
有此清閒區
田園生理足
樂事復何憂

顧賀翁福大歌
瑟行夷猶回
看風塵客乾沒
何時休擬買一稜田與君長對穫

送菊史還廣陵

相忘江湖五十春
天涯結識即比隣
賢才晚屈河陽幕
窮路偏憐楚澤人
山館海樓題詠遍
浦風巷雪過從頻
登臨他日思君處
滿地黃花獨愴神

目送歸帆萬里遙
北天雲盡鴈蕭蕭
清宵詠史懷牛渚
薄宦無心問馬曹
何日論文重把酒
暮年投契欲同袍
東江若見菑漁伴
為報任公方釣鰲

李我石做香蘇山館集中憶梅詩八首見贈次韻和之

月

乙亥十二月

雲養集

詩

卷之五

三十五

雲集

詩

卷之五

三十一

歸川梅

余兄時與屏從讀書于歸川天雲樓每冬月賞梅賦詩

憶梅少日訪梅遊日日江村費杖頭好是黃昏水邊月西湖何必在

杭州

健陵梅

丙寅丁卯間余直健陵齋室蓄一梅嘗有梅纒一樹或研淨松未百年猶老蒼之句

憶梅一樹畫猶難每到開時雪欲殘不寐相看愁寂歷龍珠寺裏曉

鍾寒

壯洞梅

戊寅冬余在壯洞與社友設梅花十二會輪回置酒賞梅賦詩

憶梅十二煨爐圍幕羅寒陰不掩扉酒熟家家香霧細天風吹拂六

銖衣

靈塔梅

丁亥余謫居河川寓靈塔寺河川邑有蓮池中有刻借厠李曰故事也

得者凡八年初甚憔悴晚復感開

憶梅移自郎官湖曾借僧厨伴客孤供養八年功德滿毫光泛出玉

浮圖

桂洞梅

甲午秋余買第桂洞賞古梅一本

憶梅寒夜與同牀顯頽不堪當艷陽閱盡芬華還澹泊漫天霜雪剝

孤芳

濟州寓舍梅

戊戌冬余謫居濟州家兒目京第送梅一本置之窮園前

憶梅殊域喚愁生楚澤三年人獨清遙念綺窗春色早一枝寄到故

鄉情

借梅郡閣

州牧聞余有梅史人要觀故借送之

憶梅不解媚青春林下長宜處士隣載送風流東閣去更誰索笑慰

孤臣

雲集

詩

卷之五

三十一

憶梅詞伯李石學士

憶梅慈倚占高魁早試仙人玉尺才如見蓬萊花鳥使玉堂深處為君開

除夕與同謫諸人飲屠蘇

年年海外飲屠蘇薄酒那能潤槁枯夢裏歸家身尚健燈前守歲影還孤志衰何用頻看鈿歌苦猶聞謾擊壺遙望茅山千丈雪春風可得到頭無

一飲屠蘇歲又除新年志願問何如 皇恩任逐桑榆煥身世還他木石居舍下買田多種秫溪邊曳杖閒觀魚餘生此外更無望黃髮相看萬事虛

申涇陵老友千里寄詩問謫中之苦欲作答函非寸楮可既

遂以七字韻語叙答詩之意兼代書翰 庚子

我生未及七十年年輩凋零無幾存細數長我一甲者涇陵石雲與道軒老倦筆硯絕問訊天涯地角但銷魂何來鴈賓遺尺素五十六字光瑛璠况入幽蘭舊夢境涇陵舊有幽蘭洞夢會詩同人多知之鵬舍寒消生春溫疏屬之鬼人所棄舉世誰敢交一言感公厚意欲有報枯腸軀軀如車輪漫筆先叙寄謝意非詩非歌更非文

又次韻答詩

夢中猶識幽蘭名豪飲狂歌少日如枕上未乾孤客淚天涯忽墜故人書處寤怪我身還健避世知君計不疎未死何時重把臂相看一笑百憂紓

錢春日遊南水口

暎雲如絮草如烟路入城市小洞天冒袂生憎棘刺密煮茶閒拾松
毬圓君猶病起登山健我自愁來得酒眠好去青春不須惜何曾白
髮更增妍

遊登瀛卯

漢挈山下多靈境瀛卯獨稱仙人庭我來三年始尋真城南十里穿
石逕初謂閭風在天上俯看溪谷懸危磴始信三山反居下瑤草琪
花相掩映入洞晃朗闕別界石門窈窕迴廊淨厦屋穹窿深可庇几
案高低摠堪憑更有盤陀繞清泉箕踞漱濯塵心醒映山紅發圍錦
障照耀巖壑皆明靚忽聞樂作窟室中曾吹鐘磬聲相應聞道遇仙
有高臺脫袍棄笏手兼脛嗟我衰病腰脚頑躋攀無力須人情金丹
遲暮年天催白首天涯空蹭蹬人影初散禽聲樂惆悵回首巖樹暝

仙子倘不嫌老醜青鞋他日更乘興

五月七日復遊瀛卯

仙源路已熟匹馬踏幽香巖溜暮聲亂松陰石榻涼芳華非昨日遊
子感流光薄暮酒醒處林間鐵笛長

夏日偶吟

雛鷺學飛榴子成茶爐烟歇午風清老人無伴看書睡夢裏時聞落
子聲

七月既望登拱辰亭

庚子七月既望與同諸君遊于城

初感銀濤如屋懸欄暢飲對景興懷近閱新報西隣有茅大
陸決裂東隣兵艦過此島者袖膽相續我國西北邊亦有發
波汎溢之患無國家之憂于宋張魯有詩云千里蕪湖方巖
嶺斥荒瀆能無國憂之憂于宋張魯有詩云千里蕪湖方巖
沛可能同上岳陽樓吾輩今日之遊
殆近之矣因相賦詩以瀉幽懷云

雲叢集

詩

卷之五

三十八

縹緲江亭背郭高
登臨忽覺意飄飄
仙洲不識三庚熱
海岸初長七月潮
此詩以七月望潮為最盛
即看烟塵迷大陸
且將盃酒賞今宵
天涯從古孤
臣恨一曲清歌倚客簫

挽三隱

籠中雙白鳥
羽毛何踈蹇
朔風一夜急
吹落瘴海邊
羈孤每自危
交頸意相憐
疾病互扶持
將患難與周
旋本期同飛還
耦棲溪山顛
朝啄野田稻
暮宿青林烟
浩然兩相忘
優遊送歲年
此事竟不成
一別如天弦
顧影寬舊伴
哀鳴響遠天
那知行吟處
醜成祖道筵
渺渺滄海闊
悠悠丹旆翩
羨君先我去
瞻望若登仙

挽安厓石鼎遠

青春結識鬢成絲
知我惟君勝
自知峭雪杏庭曾
對篋清秋靈塔共

論詩老猶筆下傾
三峽氣自胸中備
四時縱有生還悶
井日更誰把酒慰
睽離

挽朴鳳湖齊應

清高又復盡人情
獨有君家古典型
教子讀書無外慕
棄官如篋滿躬耕
幾年湖海尺魚阻
滿地風塵孤鳥冥
斷送天涯知己淚
沃州山色暮崢嶸

李陶隱敬夔駕海遠訪其誼甚感次韻和龍淵詩以贈之

日一

掛席相尋海外洲
一寒衣袂颯清秋
別來歲月如過驥
隨處烟波可狎鷗
舉世已傳坡老死
陶隱云五月朔命
暮年能作子長遊
知君近躡漢竿頂
爭似稽山萬壑流

與陶隱及此中諸詩伴夜飲橘園賦詩第一會四十月
夢裏歸家路不明千山萬水摠關情覺來還守孤燈影坐久偏驚落
木聲顧我悲秋匪今日逢君話舊若前生鐵衣老去心猶壯卧聽中
宵浪打城

九日第二會

佇待幽期不掩扉招邀白傅與元微野壚秋熟易賒酒村杵霜寒催
換衣往事已忘風竹動故人漸覺曉星稀詩成莫作敲推苦月下猶
堪一詠歸

十二日第三會

僦居非市又非村叢橋疎篁綠掩門稚子耐嗔常走巷老夫無事日
窺園豈真山雀戀生處空使泥鴻留爪痕勝事喜聞詩伴語梅花消

息月黃昏

是月望夜第四會

空庭如水夜清新野蔌村醪會事頓軒冕原來身外物鬚眉我亦盡
中人林風不絕王摩詰梅月須邀趙德隣從古浮生皆幻境臨臯一
鶴夢耶真

二十日第五會

隣社尋常扶醉還不愁雪意滿前山夜寒水鳥時呼警歲晏人牛相
對閒古墨先生鸚鵡眼小壚烟歇鷓鴣斑嗒然枯木忘形久一任秋
聲在樹間

二十二日第六會姜魯谷捧稅官帶酒來

旅人心事日蕭條酌酒悲歌強自高秋後疎林如卷畫靜中虛籟盡

韶簫小畦地煥冬留萊遠宙雲晴夕返樵窮島民情殊可念輜車何
日獻風謠

和李我石雜體詩

甲夜雷初動乙萌近春天 丙枕應垂念丁威返何年戊穀變為祥
己過悔可遷庚庚橫蘭珮辛甘且隨緣壬戌放孤舟癸丑集羣賢

右十干詩

鼠攪夫夜眠牛斗正森列虎子衾衝冷兒毫因映雪龍汞鍊古鼎蛇
龜共蟠結馬耳蠹千峯羊腸悲九折猴冠豈忘歸鷄竿何時揭犬吠
知夏淡承腹茶聲咽

右十二獸詩

一刻抵千金二難此宵並三五忘鄉愁四座發高詠五憶君猶歌六
塵我已淨七日已復陽八域應同慶九死亦何恨十行仰 聖明

右數詩

蕭疎竹葉蔭茅廬鋤圃澆花盡寄奴草樹黃連三逕冷烟霏白斂遠
山孤瑣陽有日真扶老益智無方可破愚運罷河車何所事床前百
部古今書

右藥名詩

至月五日第七會賦梅花

珠履珊珊霓蓋停和烟和雨立空庭三年未寄江南信一種來添海
外經月下分明皎淡白枝邊倒掛鳳毛青寒宵相對不能寐我醉何
嫌君獨醒

和鄭葵園觀德亭望月篇

至月十日

橘窗十日雨昏昏今夜清佳始出門行行信步歌相答觀德亭前湧
金盆初擬望月散竊抱望月思鄉却銷魂始信樂處憂亦著焉知憂

中獨無樂君看垂死老夫長流身無復餘生望為人若使他人設我
想終年不禁淚如紳猶復抵掌高談掀髯笑病軀婆娑心還少安樂
無情應見譏楊惲荒淫豈忍誅世故家累都拋置隨緣做過眼前事
眼前事夫如何把酒共君弄月華歸來旅榻吟梅花

歎北京時事作五首

鑿駕前秋去紫宸中原無主入荆榛風雲大陸三洲會塗炭生靈一
婦人漢惠徒仁傷帝業趙倫庸鄙啓胡塵東洋危勢今如此縱有前
車奈弱隣

太和門外接狼烟寶玦王孫泣路邊休道白人無暴掠忍看赤子號
顛連列藩擁衆瞻烏止老相甘心抱虎眠惟有賓王通海外淚將草
檄訴蒼天

建州昔日服遐荒彝裔如今失梓鄉三省名都看弊筵八旗世胄醉
紅粧橫挑強敵知何意芟刈良臣亦可傷早晚兵塵隨處到莫將天
險恃咸陽

鼓動潢池自速災廟謨如戲亦堪哀幽囚鐵室非人理行樂頤園已
劫灰末世誰知名義誤萬邦徒爲利權來瓜分禹域知無日歎息中
宵獨舉盃

西流滾滾決諸東局見猶如在井中但誦詩書膏吻頰未聞忠愛貼
心習蕭同爲質齊人恥申畏懼災宋國孽四萬萬千神聖裔那無一
箇好英雄

二十一日第八會

痛飲讀騷空自豪芟荷零落不成袍天低華蓋北辰遠地盡滄溟南

極高底事蜂癡穿故紙一生鷗夢聽寒濤看君眉宇正蕭瑟誰識龍吟匣裏鞘

送羅文卿記注歸樂安

辛丑三月

冰心相照歲寒知絕域風霜鬢欲絲有酒未頽菜子頰歸家不見孟光眉文卿開其賢配表叔急歸直云少別猶惆悵况復孤城遘亂離時濟州民糧大起一湖在

移配智島臨行作示分謫諸賢

五月

去國逾千里投荒淹五霜土音微可辨海味久堪嘗移配當今日回頭似故鄉挈山如惜別送我水中央聚若水中萍散如天上星從今南與北惟有影隨形後會知何日單思卜此行夢中難識路處處海山青

勝緣難再遇一別各天涯最憶聯吟夜莫忘共患時波分羣島迴同謫

十人分移湖南各島心逐孤帆遲益勉窮途志不須兒女悲

登濟州舟中次葵園洗馬韻

四顧茫茫不見山輕舟破浪去如還縱橫航路通三國舶轉帆風失兩間盃水堪憐浮蟻渡烟波更美白鷗閒雲天遙望家鄉近此去何殊入玉關

小安島舟中別移配諸友分向楸薪各島

枕碧亭前雨似塵布帆兩兩載孤臣豈知早晚還鄉伴又作東西泣路人海外應知青眼少天涯相送白頭新臨歧默誦唐賢句君向瀟湘我向秦

雲養集第五卷終

雲養集卷之六

清風金允植洵卿 著

東萊鄭畚秀伯河校正

檜山黃炳郁進文編輯

詩

東苑稿 自辛丑七月
至丁未六月

到智島寬居停所 七月

海濱何處卜新隣
千里孤舟一葉身
縱道家鄉從此近
稿枯依舊澤邊人

智島菴谷村 九月

鐵馬山下菴谷村
家家竹籬不設門
婚嫁不出十里外
終歲耕織足

飽溫五月收麥七月粟十月獲稻酒盈樽八月九月棉花白機杼札

札四隣喧潮退網魚人共得蝦蟹滿筐價不論時村人設網每於湖並

禁也惟無買實村人自為食通來徵誅無紀極每逢官吏驚如

猿京差絡繹接項背皆言為國生財源鹽戶漁場日蕭條竹箭處處

成廢園惟有土地不忍棄疊稅其奈媚毛繁今年旱災幸不被天意

尚恤島民冤聞說 皇家飾慶會歡聲協氣彌乾坤乞雨霑澤魚鱉

飽贓盜殊死皆見原哀我黎元獨顯顛顛呼安能達九關慎勿怠情

荒其業春詔應蒙寬大恩

遊行賞秋宿三巖齋

海墘秋將暮風日美且清有客起余慵攜筇傍溪行風過稻香襲潮
退鹽烟生叩門訪脩竹到處歡相迎登盤蝦腰白盈筐柿頰頰行到

新基村四山鬱崢嶸爽氣盈襟來荒田夕蛩鳴三巖何奇哉下有古

書巖聞昔朴氏老抱經獨棲衡惜哉淪海曲誰知伯鸞名遺風尚未

沫兒孫讀且耕夜久村巷息萬壑盡秋聲杳杳浦溼外漁火兩三明

吾生足煩惱對此暫忘情擬作卜居賦竊愧北山靈

九日獨酌

搖落秋懷不可裁登臨何處有高臺白衣不到籬花晚自買村醪呷

一盃

黃小雲 炳郁來訪三載睽離之餘喜可知也為賦二首

挑燈如夢寐嗟我久離羣憂患鬢成雪窮途義薄雲神情忽散朗僮

僕亦歡欣莫敦佳期晚黃花尚待君

征鴻各有所猶戀舊時羣衣濕千山雨此行歷訪各筇穿一壑雲筠心

猶葆晚芝宇更瞻欣垂老常漂泊不堪說與君

之
小雲帶徐養泉書及三首詩分配後初信也賦五古一篇和

客從東方來道我雙鯉魚詩以道相思書以問起居一吟復一讀奉
拳意有餘憶昔接隣寓過從日不虛漂泊分東西音信一何疎辛勤
小雲子奔走代郵書為說新寓况未見如面攄呂島好風土仁者宜
攸慮海隅逢樂歲羈憂稍可紓天固活楚囚蘇武詩天人情恨不如
臨風欲寄謝何以酬瓊琚吟望秋聲裏哀腸如轉車

送玄舜韶光變歸河川

半載荒瀆共苦甘送君今日強登臨情懷黯淡十尋水肝膽崢嶸百
鍊金南顧難忘孤客地北歸將慰病親心河陽知舊如相問為報秋

風惟苦吟

崔孤雲詩秋風惟
苦吟世路少知音

題丁氏翠栢亭次原韻

西湖一鶴影盤空隱約茅亭卷畫中笑語邀賓開竹徑書聲在塾畢
田功舊依老樹三巖月門對寒潮萬里風頓有儻然塵外想海山渺
渺化琴工

除夕書懷

今日是除夕四隣停機聲寥寥村巷寂寒犬時一鳴孤客耿不寐悠
悠百感縈挑燈閱新聞憂思轉崢嶸俯察島民苦亦復可憐生吾生
如寄耳何苦為此情嗟嗟白鷄號歲華倏已更開門看天色欲曙還
暝暝春風一朝起庶見草木榮

讀清議報壬寅正月

哀哀時客清人梁啓超戊戌政變後避難于日本撰清議報自號哀時客聞是梁伯鸞血淚蘸
 毫字字裂肺肝問子何所苦大陸將墊昏不惜身飄蕩但悲同胞人
 嗟爾士也驕無事空煩冤上有不世主下多自奮氏大勢雖云傾轉
 機諒不難彼老僞臨朝豈能久竊權四海高汝義到處為佳賓生當
 遂其志死亦名可傳如汝何所憂莫歎生不辰

憶瑒兄

小名勝玉二月

阿爺蚤有子面色白勝玉阿祖親名之撫愛顧且復孩笑能供歡窮
 居樂事足忽焉未語六芳蘭委空谷父母不敢戚阿祖失聲哭至今
 不想此身百難贖不肖生最晚香火僅得續孤露墜先訓處世多
 顛覆羨彼小宛人明發交相勗使有阿兄在急難侮余孰

憶亡四姊

四姊姊為李於我長六歲清弱身多病服勞性婉嫵我幼無所知凌
 踏謾怙勢掉髮騎其背毆打兼齧踉跄笑而受曲直不敢計一朝
 隨孃去泉臺久已閉今年是讐年業欲設瑒祭弟愚嬰世故白首滯
 海溼未能躬奠觴愴望空雪涕

次宗人清淵老人回卷帖韻

華髮韶顏映小堂遲遲麗日似年長昔時燕婉今黃耆膝下兒孫盡
 老蒼風采依依吟却扇霞光澹澹看飛觴一鄉盛事人爭誦瓊什留
 傳寶墨香

窮春島居竈烟屢絕黃小雲冒雨徃長城地謀糧而歸途中

吟詩一截次韻和之

七日鳴琴似在陳雨中覓句復何人窮途意氣還清灑自有一團腔

裏春

次韻答江華朴承奎副尉

荒年經濟近如何春盡南天鴈小過感子不忘先誼重老吾偏覺別
愁多人情滄海看三變身世江潭放九歌莫道相思千里遠吳頭楚
尾接烟波

遊水島觀魚箭收網端午

窈然水一曲桑竹自成村帆落青山靜潮收白鳥喧荆留客話漱
石洗襟煩舉網沽村釀盤中繪雪縈

白鷗歎

漁梁潮落水聲活漁柵森森水面出大魚輪困小魚跳弼中撥刺網
欲裂白鷗何來千百羣敲天鼓翼亂如雪盤旋下咏仍相聞見人不

避鳴聲聒須臾潮滿魚網沉一時飛散還靜謐始知此鳥亦世情翟
門交道隨冷熱波上汎汎一兩隻頗似清閒而高潔及見微利如赴
市全夫面目惟乾沒知時原乏鷄鵠能有序還愧鴈鶩列禽中鄙賤
莫如汝世人謬許塵外物誰肯與汝狎而遊海上丈人亦癡絕

採藥三首

採藥竹林中竹露零我冠時聞環珮響微風敲琅玕好鳥如款人終
日鳴啾啾聞聲不知處攜筥獨自還
拄筇西山巔下視白雲飛長嘯振林樾天風拂荷衣昔聞韓康伯採
藥不復歸逝欲追古踪巖壑路依微

下山覓歸路處處苦竹園烟生木籠店鷄鳴鳳首村今年春竊甚老
葛無餘根天早農務閒驅牛耕鹽田耕罷山日暮蹄聲雜人喧

求禮黃梅泉 茲進士見訪適值重陽登後峯次老杜九日藍
田崔氏庄韻

竄窳巖扃一席寬黃花白酒為君歡貧廚堪愧投陳轄賦世誰憐老
楚冠荒逕侵田強語亂晴雲渡海鴈程寒紛紛人事休相問只有青
山不厭看

休軒老人壽資宴詩

煌煌丹誥照衡門祝聖遙傾北斗樽物外百年身尚健鄉中三達望
兼尊芳蘭競媚階庭色老樹猶含雨露恩莫道無功受天爵讀書種
子滿荒村

智島除夕

離鄉昔日奉靈筵豈意重逢癸卯年孤苦伶仃自髻鬢艱難漂泊到

華顛往塵回首桑田過異域無心柏酒傳來歲不知何處卜欲詢詹
尹意茫然

新春病中作 癸卯

新春十日雨兼風病緒竊愁黯淡中稚子方言隨處變傭奴慣習不
謀同始知却老是催老可笑諱窮還乞窮歲時村俗設醮舞童
沿門索錢名乞窮戲
檢此生何所似寒罏撥盡覓殘紅

立春前日夜坐

村鼓無聲衆睡濃竹林溪處一燈紅無心能照三千界有信爭如廿
四風古壁宜春書倒懸小園披雪擷陳菘稍待泥乾東郭路攜杖來
看鄭小同鄭葵園新生一子骨
格非凡將杜觀之

聞家兒多月滯囚莫知其由尚無審問之舉亦無放釋之期

月五

兒性素謹慎不安與人接况居畏約地杜門長愁懾波浪起平地忽
 如籠鳥鷲獄情淡且秘遙聞空憂恟我罪固當死猶應不相及橫來
 亦有命無乃前生業反覆莫究端中夜獨吞泣此聞邦有慶溥天雨
 露洽遲遲金鷄唱何時解鬱悒我謫待汝哺汝囚誰當顧生死不相
 聞疾病無所想炎雲垂豸豸蒸敲汗如澍瞑目思咎愆九關深莫願
 家小久喁喁可憐酒中耐念之徒亂懷不如盡除驅君子貴固窮患
 難行其素養靜神氣全春風生肺腑囹圄稱福堂此語定不誤

七月念六日喜電來到知家兒與告者對質昭晰得放

積月抱憂畏衰疾淹床茲飛電落秋風喜氣倏上眉吾兒慎無罪
 恩宥敢恐遲會當見汝面見面那曾期窮途復何幸有此一笑時大

嚼園中桃細讀杜陵詩策杖強登臨狂興獨自知餘生願已足庶忘
 長流悲

庭畔南果子

庭畔南果子不種自托根遲遲出枯壤焉知雨露恩日久根入深蔓
 延上積薪秋來始結實漸看大如拳累累仍相續佐我窮廚餐老人
 最嗜食不換五鼎珍春圃種諸蔬日夕澆鋤勤經早盡枯姜舉目惟
 荒榛此物誰所培青青晚逾新昔為人所棄今為人所憐物理正如
 此慎勿侮孤貧

送玄舜詔歸河川 五月

三年重度客千里一枝筇跋涉豈容易辛勤為病慵虛囚鳴凍竹積
 雪見孤松此別知非遠共斟柏酒濃

有春初復來之約故云

余以乙未舊案又遭彈章請行加律急電日至憂惶待命之
中姜聖譽主事持關廟抽籤來示相慰為賦二截

飛奏聯章日夕紛命如一髮引千斤分明記得籤辭好說與家人暫
作欣

生亦 天恩死亦恩此身原宜此身存生兮多噉幾盃飯死也應歸
故國魂

碧魚歎

西海青魚多且珍古俗相傳貧家餐春來腥風滿城市處處堆積如
邱山溪山窮谷皆厭飲往往餒敗不論錢二十年來忽無迹後生那
由名貌識舊時東魚見者少權門勢家時一得西魚影沉東魚興七
十一節光艷墨

世傳火魚脊骨七十一節應嶺南州郡之數西魚脊骨五十三節應湖南州郡之數

今年海竭

百種貴惟有此物不勝食又聞元山北魚場今冬漁利獲豐穰萬噸
輪艮委輸去適及島陸充饑腸微物盛衰關氣運洛陽杜鵑君不見
人事修時運亦隨天道循環不可知豚魚至愚亦有信仔看皇風薄
海吹

除夕

移島今三載明朝是七旬五更春意動千里客愁新歲月記前躡風
波安此身欲得還鄉夢故斟柏酒頻

聞日本與俄人戰于我國海上甲辰

強隣相抵觸局外亦關心虎嘯風生壑鷹搏血灑林海天無定色港
電有飛音戎馬家書阻白頭費越吟

五蟲詠

雲養集

詩

卷之六

八

靜居能勝熱茅屋倚林塘日暮炎瘴收迎風安我牀頽然北窗下自
擬古義皇何來不速賓使我應接忙或嚙或嚼膚或跳或飛翔各自
逞其技防之不勝防渾如卧蠱盆遍身生爪瘡蚊乎鍾戾氣毒嗜利
於芒先聲足奪人慄凜氣自卷蚤兮能曲踊勇銳殊非常因緣入禪
中騷騷欲發狂豎也尤無賴其臭不可當乘暗踪跡秘禍心固乞藏
蟲子原家畜隱憂在蕭牆坐待閔間白蠅醜已聲揚此物亦可憎詩
人所歎傷夜寐既不成晝眠又未償嗟我不腆軀詎能飽羸腸汝曹
徒費力老肉不堪嘗人生良多惱遠害苦無方親昵雖云好不如兩
相忘安得去汝曹適彼無何鄉佇待風霜至一掃淨我堂

中元日與諸謫伴汎舟糠山津

潦盡三庚過殘暑猶支離汎舟糠山步清風拂面吹湖遊古寺前落

帆舊臨淄寂寞廢鎮舍草間沒苔碑潮落不可進回棹復何之北望
七山口雲濤浩瀾瀾俯仰天地間憂愁忽上眉海戰尚未已豺狼正
相持我無兵革苦所聞日傾危江山雖依舊氣像已變移哀哉顛連
民漂泊將疇依誰秉國成者言之堪累唏為上木鹿下但知一已私
一已復何有終與國俱靡十載江潭空作新亭悲世界濔空闊吾
生渺無涯酣歌漏舟中歌竟淚如絲回看白鷗飛却羨爾無知

老態

跛跛復挈挈老態不堪陳功名心已冷飲食情何殷一身真大患百
事須倚人時為伸腰脚扶藜到北隣

夜坐書懷二首

便中得公州中山信老妙氏今年七月十九日

書以示告別之意似是死筆也持讀嗚咽不忍釋手是夜秋聲蕭瑟獨坐書懷

雲卷集 詩 卷之六

金風浙浙海門寒孤客無眠夜正闌滿地霜華蟲夢冷長空月色鴈
聲酸天涯病姊廿年隔篋裏遺書百遍看縱使青山映黃髮鴟原凋
落共誰歡

憶奉几筵湖上艤姊芳反笄弟髻年伊來閱歷風霜苦晚更飄零老
病纏吟絮猶如昨日事焚鬚空負昔人賢此生已矣長相隔遙望雲
端涕淚懸

玄君玉樵至夜賦詩一截有年邁不遇之歎次韻和贈

跼富原貧皆有命齋行潦止且隨時我心無愧真天爵何必區區問
好期

流光一擲真堪惜况復方強不感時富貴浮雲何有我高風千載慕
榮期

紛紛虐雪又饕風海陸蕭然白屋窮煖閣紅氍燒美酒可能憂樂與
人同

箕城觀察使李二堂重夏寄書餽香菸一櫃以詩謝之乙巳
書發微陽後春生薄海濤三更孤客夢千里故人心玉節關山暮荷
衣歲月淡金絲垂遠惠助我擁爐吟

新秋雜詠五首

乍霽晴光好小庭花木幽牆邊蟲語切知是近清秋
檢藥蛛絲滿曝書蠹子多殘蚊不足畏其奈青蠅何
草盛萱耘忙兩頓耘地濕向來何苦乾民望儘難洽
園中雙棗樹結子滿東西無力能呵護兒童踏菜畦
浦月當潮滿清光分外多前村歌鼓歇寂寞照汀沙

山木歎

我初來寓時四圍頗有松伊來兩三年處處山盡童竈下絕柴薪無
 以禦窮冬借問緣何故盡入鹽釜中島村數百戶世世鹽為農明年
 將廢釜吁嗟生事竊異哉山之性古爾今亦同自昔煮鹽地岡巒鬱
 青蔥胡為一朝變成削立千峯縱然諉天數實由乏人功但知充近
 德誰念愛殖封况復有情物孽育依僻曠日日事椎剝元元叩心骨
 如彼山上木朝朝斧斤攻樹盡山必壞民竭國將空此理灼易曉圻
 父宜不聰嗚呼無救藥歎息問蒼穹

糠山湖權歌

海天漠漠兩蕭蕭一葉漁舟弄晚潮唱罷權歌人不見烟波滿地白
 鷗豪

資信堂前蟹火明楊溪村裏暮砧鳴青帘斜日搗魚去沽酒歸來月
 滿聆

烏雲一朵向南飛飲水雙虹妬夕暉寄語行人須早渡滿天風雨打
 漁磯

養得雛娃嫁水東離家十里啼橋中鷄豚餅餌秋成日好與歸寧夫
 婿同

烏俗新婚女將通舅家登橋必呼媒而啼十里不絕
 聲方稱宜家女秋成後具鷄豚酒餅與其夫同歸寧

謝遣秋蟲

汝生極微薄於物無足比幸際今秋熱乘時久弄嘴寅緣昏夜入畫
 出亦無恥一夕涼風動搖然失其恃哀鳴聲咽住遑遑靡所止仰看
 天宇高無路施舊技覩此還可憐彷徨繞前危向來噤人膚流毒遍
 瘡痂豈盡由汝性乃時勢所使于今惡已稔雖悔亦晚矣上帝好生

德或望貸一死好去藏草根莫向華堂裏華堂非汝所不畏十手指

賀徐養泉生子四絕

丙午○四首皆用古人事

五十一翁方有子當年白傅亦歎嗟天生英物非容易請看神駒出

渥洼

徐卿之子石麒麟玉骨瑩晶秋水神遙想門閭佳氣滿從今無復恨

窮貧

子厚曾悲後嗣遲奇緣誰識在南夷善和坊裏三千卷付與佳兒好

護持

笑君老蚌生珠幾自笑吾家亦有之地遠未能羊酒賀臨風遙寄古

人詩

東坡詩笑君老蚌生明珠自笑此物吾家無

讀越南亡國史

安南亡命客

有感

交趾重譯地向來視秦瘠今日觀遺史不翅悲親戚祀政閱百年昏
奸已病國引虎入其室耽耽恣噬食其民則何罪忠良亦可惜人生
同天賦何有別黃白慘毒壹至此山川為失色天地本憤憤哀顛竟
無益公法安在我列強盡絨嘿各有狡焉謀誰肯救焚溺痛恨專制
治與民為仇敵顛沛不知悔一轍堪歎息

登頭流山

頭流擅名勝茲山假以鳴

智異一名頭流智島群北亦有頭流山蓋假名也

自雄小島中峭

拔入青冥蕭疎霜林晚崎嶇石棧縈登臨四望闊杳杳孤帆征島嶼

如甚錯浮雲隔漢城人間是何世上秋氣清曠懷翻多感白首涕

淚橫重卷

重卷宋文全平然號曾謫居智島

杖屨地苔篆石面青鄉人慕遺躅歲時

椒糝馨晚飯喜真率良感地主情醉歸倩人扶滾篋一燈熒

觀智明學校秋期試驗

萬國競爭地十年蒙養功人無強弱異藝亦古今同

實為六藝之學古之教人之法亦在於是余別有論說在集中齊武鍊身力分班呈課工青年吾有

望歎息奈衰翁

黃梅泉以別路雲初起離亭葉正飛分韻為五古十篇因復

寄送亦寓箴戒之意首首可誦因用其韻為七古十聯以酬

之

憶昔逢君黃花節手折黃花醉言別五載遙望隔雲樹夢中相尋不

識路客凶一夜聽鴈羣遠帶尺素來白雲

白雲山名梅泉所居新詩滿眼錦不

如正始遺音接黃初滄江避地已遠徙澹寧修文不可起哀絃白雪

無人知舊交零落傷他離况復時事堪况冥山河舉目悲新亭曾經

豔瀕波千疊自覺飄搖身一葉多感良箴形於詠猶把殘年勗以止
但願歸食故山薇籠中有鳥不能飛

陸玉田鍾倫父容扶桑今年寄書與詩出婦吟及西遊諸篇

自叙悲辛寄懷曠感余作此奉答

薄命蛾眉敢怨尤蒼茫往事付東流琵琶空語龍堆月團扇猶思漢

斂秋孤島十年依北斗長風萬里作西遊知君早晚寤 恩霈江湄

還家尚黑頭

玉田去年作泰西之遊病中檢篋中松菌有感而作

公山松耳香味珍賢甥遠寄助吾餐篋裏忽檢一束在觀物思人涕

沈瀾吾甥孝友天賦萬事我如父情何極一味之甘輒相分誠愛不

以山川隔我今久病君不識泉路冥漢音容闕回語家人善調羹此

物雖微不可棄

聽山金冕秀主政自木浦來問病贈詩二絕次韻酬之

桂山傾蓋已衰年十載南遊飽瘴烟園裏可憐枯樹色春來不共百花娟

志士相逢謾策時何曾一語展愁眉長歌終夜滿船上不覺明朝盪潏危

五月十六日解配電報來列

竹牖風清午睡殘忽聞飛電動鷄竿十年人說長安遠一日春回黍谷寒細檢篋中收藥裏更換架上拂塵冠歸來黃髮垂垂映萬事青山一笑看

五月二十五日發范谷

七載僑居鐵馬陽村童隣叟兩形忘躬治半卧仍成圃手植一松已過牆桑宿因緣猶顧戀雪泥踪跡更蒼茫扁舟歸去重回首到處殊鄉作故鄉

舟發遇風宿屏風島

來遇風波去亦多此生何處不風波榮歸不及皮生好剛被風憐穩得過

搭輪船泊仁港作六月

千里鄉關一日程婆婆老子不勝情當年故舊知何在惟有青山帶笑迎

還朝後詩稿

次韻和長谷川大將好道北征詩作三首

將軍壯志歆黃龍壁壘旌旗盡變容昔日封侯臨誓地連天鴨水出

羣峯壬辰明師東復時流鴨綠江見朝鮮萬峯出沒雲海監軍劉黃東據晚營師曰此是汝曾封侯地也

蕭蕭鳴馬接邊秋仗鉞重經古抱州此去腥塵應掃盡燕然健筆足

名流

鐵甲生寒野宿營幾回熱戰墮名城指揮談笑戎衣定獻馘歸來慰

聖情

次韻和牟田叅謀長日露講和時作

雄兵百萬一朝收樽俎折衝在美洲歐亞共欣太平福杞人何必謾

懷憂

賀伊藤春卧公爵生朝

報國漢誠老未休東洋全局在心籌山樓夜燕騰觴祝鶴笛聲中又

一秋

與俞榘堂吉潘張癡菴錫周同車往觀水原農林塲共宿府

中會知州徐丙雨于車氏家作十月

紅葉蕭蕭古郭隅故人留客費官廚新豐樓閣百年跡幽野風光七

月圓秉燭今宵如夢寐買舟何日泛江湖昇平事業明農在不必悲

歌謾擊壺

書贈內部次官木內重四郎

苔岑晚契喜同朝蘊藉風流似飲醪揮麈清談消永夜不知窗外雪

垂垂

書贈宮內府次官小宮三保松

清切官曹近玉墀羔裘帶雪退公遲酒闌却憶東京事正是梅花欲

發時

臘月十六夜會齋桂洞諸益賞梅賦詩得頭字

十年南國繫孤舟萬死歸來已白頭落日回看猶壯志青燈相對盡名流病餘空有江湖想雪裏還深節屋愁一樹梅花人共瘦可堪把玩作清遊

初春上旬會磚洞呂荷亭書屋俞渠堂李坦齋重夏徐養泉

鄭茂亭葵園兄弟共飲 戊申

惻惻餘寒雪滿肩臨衢書屋帶春星閒愁難遣須浮白衰眼何圖更拭青烟火蕭條悲暴骨管絃轟沸起紅亭且宜預借元宵月莫管銅壺漏數零

首夏與徐裝齋正淳申陽園真善坦齋荷亭會于金東農 嘉

鎮白雲山庄共賦

松陰連禁籞石逕入雲庄樓迴烟霞積洞澗草樹光風流繼洛社耆舊懷襄陽不覺山暉暮頽然共一觴

綠泉亭雨中次韻和春訃太師

兩餘百草一時新耒耜紛紛出四隣醉卧山樓歌 聖德西疇自有

勸農人

園洞酒席次春訃韻

華輶暇日喜源源畫閣春深北海樽抵掌不堪論世事白頭自愧鶴來軒

申洲陵寓居青松年今八十二氣力尚強郵使寄詩次韻和

之

桐鄉卜宅是官緣水竹清幽占洞天健筆淋漓如少日親知零落感
流年何當剪燭論今古且可銜盃樂聖賢千里郵筒傳綺語神交元
不隔山川

賀軍機部堂袁慰庭大人五十歲壽

有客從西來遺我一封書開紙見故人滿堂春氣噓

清願華兩廷亮
自北京來致東

慰庭寓真且說
久阻相憶之苦

風波兩相失一別廿年餘焉知繪素中復攬君子祛

回思風塵際萬目溢艱虞賴茲補天手遠猷紆嘉謨一木支大厦匡
濟配夷吾功名應垂後志業不負初英賢惜將老百年已半途清秋
開長筵魚鱉繪鯉魚十子獻祝箇箇神駿駒第祿方未艾容駟高
門問而余忝知己顯賴瘴海隅滄桑經百變歸來餘病癯一身何足
道時事亦堪吁臨風馳賀箋莫嫌辭荒蕪大陸猶多事善俟千金軀

下副蒼生望上卷國恩殊賤照寄一片衰相復何如真面不可會老

淚沾白鬚

自此以下序在
東樣後吟後

日人中西讓一送絹本求詩書以寄之中西方在東京

秋空寥泐海山清回憶新橋送別情渾忘吟哇非異域妄論經濟愧
書生雲晴澤國魚龍夜歲暮禾堂蟋蟀聲今日天涯空悵望黃花白
酒為誰傾

徐心齋正淳參政輓

同志同庚宦迹同朝端玉立素絲總愛才樂士常如渴憂國忘家却
屢空名載西京循史史圖傳洛社耆英風恩綸華誥光泉隧終始
長霑雨露中

十二月廿七日諸元老會于校洞閔荷亭

次微

宅邀伊藤公

爵曾禰子爵共飲得寬字

高蓋臨筵禮數寬
從容談笑罄交歡
一身久繫蒼生望
積雪應憐白屋寒
數樹癯梅春意思
滿堂華髮舊衣冠
芝城社伴平安否
惆悵天涯歲色闌

長谷川大將遞歸東京飲餞于統監府用前韻奉別

驪駒一曲歲將殫
惜別依依度夜難
五載賢勞雙鬢雪
鯨波不動海天寬

隆熙三年一月陪 駕南巡途中次伊藤太師韻

凌晨 玉駕出深宮
為念民情恫在躬
協氣歡聲充蹕路
湖山千里盡薰風

重瞳朝日辭蒲宮
禮秩山川遍海東
非是乘春遊豫地
宸心祇為

察民風

陪 駕至釜山次春卦韻

喜氣迎 鑿物物新
恩綸宣布萬家春
愚民疑懼由忠愛
大度含

弘壹視勻

時釜民疑
終夜戎藏宿衛行宮

馬山理事三增君求詩賦贈五律一首

馬山春色早旗艦
晚風輕掃館迎
宸駕擺筵慰客情
禮殷樽俎潔
政共海山清
臨別重回首
留期在漢城

東槎謾吟

戊申夏奉 命往日本東京承候
東宮與伊藤春卦同
舟而行往返五十餘日

春帆樓懷古呈伊藤公爵

東亞風雲暫不閒
帆樓高處尋盟寒
兵車轉變衣裳會
廟筭折衝樽俎間
草樹正滋今日色
亭臺猶記舊時顏
勝區千載留公蹟
片石何須立峴山

乙未春與清國李少
荅會此樓行攝和談辨

夜宿春帆樓

四山淑氣入軒清
兩岸燈光倒海明
狼藉墨痕猶在席
春帆樓上酒初醒

宮島紀勝

宮島最奇絕
三景世所傳
崇山繞其後
大海環其前
千章蔭嘉木
百道飛清泉
曲橋通幽逕
危閣隱層巔
滿山皆楓樹
惜未趁秋天
如行山陰道
應接還疲然
胡子自唐還
卓錫已千年
士女結香社
繁華成市廛
豐公頗好事
逞強窺我邊
空餘議事堂
迢遞入暮烟
遊子多曠

感漫吟成一篇

宿舞子

朝辭紅葉谷
紅葉谷
名
暮至舞子宿
高樓泛滄溟
登臨可寓目
疑聞和歌聲
潮打闌干曲
舞子以和
歌著名

過西京

千年王跡壯黃圖
天府金城帶海湖
撲地閭閻鍾鼎貴
彬彬文物舊時都

琵琶湖

一曲琵琶水似烟
棹歌風送木蘭船
居人為說西湖樂
灌溉平郊萬頃田

長良川觀鵜飼捕魚

以鵜捕魚
俗名鵜飼

歧阜鵜魚世所無
隨人操縱弄清湖
卸魚欲下還吞吐
似警人間貪婪夫

滄浪閣絕句三首呈春軒

夾道明燈祝健回
高堂宴舉洗塵盃
歌姬傳唱珠簾捲
借與東風客鷺來

絕勝林園似辟疆
萬山積翠挹滄浪
宸心祇為蒼生重
不許襄公

卧綠堂

漢帝候仙空作臺
何曾浮海到蓬萊
汽車絡繹樓前過
疑是人間八駿來

祇謁東宮退賦一律

迢遞東京路離違
兩載情異邦猶愛慕
睿學應光明武極
陪英俊

三庚休課程歡瞻
歸步緩回首五雲縈

陞見豐明殿

畫閣森沈畫漏長
五雲深處捧金章
侍臣鵠立傳天語
隔海農形

問雨暘

萬世綿綿一系長
東洋霸氣未渠央
維新鴻業資元老
黼座濛濛議事堂

謁青山宮次韻和三島侍講

海澗星輝接弟兄
藹然和氣共稱觥
船逢盛會真奇遇
大雅又聞瓊珮聲

城山席上次春軒韻

天祚吾東共永年
政如魯衛弟兄然
一樽談笑披肝膽
不是尋常翰

墨緣

賦贈青萍貴爵兼乞列位詞伯評正

未覺紅塵近幽居性靈林間留寶墨海內聚文星盛世今垂白他鄉更拭青不須傳繪畫相對已忘形

時出其人
橫影故云

青山宮謁日本皇太子索詩承命呈一律

春風起小海南照遍東方問寢龍樓曉開筵鶴禁涼衣冠來綺皓治法講虞唐授蘭梁園夕菲才荷寵光

女史馬杉青琴求詩婦人繪畫會中有名畫手也

淡掃春山畫不如藝林墨苑拂香裾寸箋尺幅人爭寶堪比花溪薛校書

題望月金鳳畫虎

空谷睡初起無人意氣橫暗啞風雲變欠伸狐兔驚

題荒木寬卧梅竹蘆鴈圖

江湖浪跡隔紅塵菰蘆聊作鴈家隣羅浮微月鍾山雪輸入生綃面面真

題山岡米華林間茅屋圖

柴扉風自掩黃葉落清濱準擬攜筇去前村酒熟新

題望月金鳳畫猿

槎枒老樹枕巖高月出猿啼送客亭縱道飄然塵外住不知身世落丹青

題熊谷老人直彥畫富士山入雲圖

烟靄空濛不見山淡雲出岫卷舒閒此中真意誰能辨拄杖悠然却

忘還

題岐南尚志畫

雜花滿汀樹芳菲暗襲衣見人故不避獨立驚忘機

題佐竹老人永湖瀑布圖

瀑奇
匹練兩條天末垂玲瓏珠沫散成絲我來讀畫重歎息不見金剛萬

題奧原晴翠女史雨景圖

雨過前山黑溪流綠漲肥呼兒理釣具門外即漁磯

次韻題晴翠女史山水障

流水非世情仙界本無暑佇立長松下遙望雲起處

題跡見玉枝女史畫

倪黃
櫻花爛熳彩禽翔點撥春光媚艷陽道是閩中奇絕事千秋墨妙配

題武村耕藹女史寧樂鶯瀑布圖

狂奔疊石穿林來隱約茅廬傍水隈常苦塵喧聲到耳故教白日作晴雷

次韻題渡邊華石林間雨蛙圖

浮雲無競爭流水澹忘情惟有自然樂林蛙兩部鳴

題小室翠雲雨後看山圖

不迷
山雨初晴布穀啼蔥籠秀色入簾低興來欲訪雲門寺布襪青鞋路

題高島北海漁叟蜀道金牛災圖

羊腸曲折度崢嶸古木寒雲石棧縈驢背詩囊何處客兩肩蕭瑟帶秋聲

次韻題杉溪六橋雨後景圖

懶雲初放晴山面猶半遮晴蜓來水檻鷗鷺戲平沙軒窗涼意生滿庭繡毬花

題荒木十畝梅竹蘆鴈圖

園竹含風淨庭梅泛露香蘆洲客鴈語西嶺月蒼蒼

題川端玉章山林瀑布圖

古木無人閱幾春冷冷流水洗蒼塵鵝溪一幅龍眠手寫出廬山面目真

題荒木寬畝花卉蘆鴈圖

名園不斷四時香更把霜毫寫衆芳蘆渚孤鴻何意思一生志在水雲鄉

題荒木揆令山水圖

老樹參差倚碧山茅茨蕭灑出林間烟生極浦漁歌晚知是孤舟載酒還

芝城會席玉池君永坂周玉池君一號石棧贈畫梅扇一柄又賦贈

一律余次韻賦梅一首酬之

冰姿迥出世何日來孤山月落還魂靜春寒作態慳已登萼綠籍不怨離騷刪珍重移便面香風動袖間

題青琴女史山水圖

渚霞初散綺遠宙寒雲起何必事丹鉛琴中有山水

雲集 卷之六

疊用槐南韻贈中洲先生

文垣耆德一時隆學海淵源道在東何意程公晚傾蓋自慙季子遠
觀風神交不以山川隔素尚應知臭味同鬪健揮毫聊躡後衰顏借
酒有奇功

次韻和竹添光鴻

即真一節甲申以公使來外我固今未相見有病早衰以所著春秋二函贈余且示

獨北樓詩並他二首次韻和之

先生晚有征南癖獨抱麟經日欲低遙想汝陰梅樹下細評春月有
賢妻

一代詩豪夢筆花茂陵消渴晚仍加著書自是千秋事莫歎竊廬送

歲華

海上羣山極渺茫伊人宛在水雲鄉竹添為調病常居鄉村浮生離合無常態

往事恩讐付兩忘把臂話溫茶欲冷等身書富席生香索居休恨蒼

蠅吊知己天涯一仲翔

甲申余在外衙門當十月之變與竹添公使往復公文詰駁甚多故第四句及之○原韻

幽山擁雪寒光迫相海涵空星象低獨抱樓中人似鶴書香淡處聘
梅妻又鬢毛着雪眼花耽學不知歲月加麟又廿年初年業更從
我病健忘至老益加忘孔門實學知真理家世遺風守古香園外似蘭
羊角大鵬翔

次韻和宮本小一鴨北老人

依倚清範識塵中相見無勞姓字通休言炎徼投有北其奈風潮漸
于東星槎曾記浮河漢我開港初宮本以瓊什相酬協徵宮人事代理公使駐京城幾經奈海變萍蓬今日兩衰翁

次韻和香國土居通豫

名園濟濟會紳簪洛下初聞正始音筆底批風兼抹月茶餘抱古復

雲集

詩

卷之六

四

揚今楊朱泣路還多事胡越同舟亦一心他日相思應入夢印中何處有鳴琴

次韻和高田潤環山

名鄉十日駐征軺雅集西園見寵邀地是有緣逢勝踐老猶不忍辭明朝盡日清談勞揮麈聯篇佳什愧續貂且喜殊鄉佳節近新秋會看鵲成橋

次韻和永井久

隔海何曾識賤名華筵見速倍光榮是非不到青山靜勳業鬢驚白髮明得二難兼賓與主有三不朽死猶生百年此會知誰證惟許池邊鷺與盟

次韻和藍田股野琢

清遊恰似永和年脩竹溪林更翳然壁上醉題渾不記留看鴻雪作因緣

次韻藍田老人

萬邦政畧日趨新桃樹晨鷄倡四隣獨抱杞憂君莫笑如今誰是擎天人

次韻和九峯高島張

冠蓋頻繁百濟年兩邦友誼昔猶然王仁本是尋常士天遣訂成文字緣

錦江遊歷昔何年一讀君詩轉竄然却恨當時交臂失天涯聚首亦奇緣

次韻和舟塚原周

竹影當窗水繞階滿園橘樹似江淮鄉書多阻憑新紙老眼常昏廢
細楷莫歎殊方難曉語每酬佳什足紓懷相將扶醉迷歸路斜日暉
聲在綠槐

次韻和大馬圭介

號如楓又稱
南阜村夫

艱虞昔日與君同玉帛干戈共協衷遼薊捷書增士氣軍前揮帽見
英風

人事蒼茫歲月遷何圖華髮共斯筵舉盃試効無疆祝富士山光碧
萬年

平生壯志依雄飛老大寧隨鷺忘機聖世不遺簪履舊請君且莫謝

朝衣

大馬君有年老
謝事之語故云

次韻和奎堂清浦奎吾

整頓乾坤事日新東洋先覺是芳隣濟時自是明良遇江表元來有
偉人

次韻和羽峯南摩綱記

往事回思一愴神晨星寥落少朋親一生瀟灑江湖志到老龍鍾市
井臣入戶惟宜青嶂近班荆更喜白頭新衢樽可得人人醉肺腑收
歸天下春

日下東作仁兄書贈一聯推許過當足成下聯而和之

濟時經世聲譽遠屹雅揚風氣宇高

此兩句
下書贈聯

老馬無才忝一顧世

間虛負九方臯

次韻和土屋保弘

避暑芝城下人閒境亦幽曾中無吟域座上足風流山氣澹將夕松

清風欲秋清遊難再卜酒盡且淹留

次韻和股野琢

號藍田從三
品數一等

鍼磁氣相感萬里亦同風觀水推瀾細聽韶知樂終才應良驥展心
有暗犀通努力須前進旂常著偉功

逸所乾三君以篆書贈嘉樂一章賦七截一首奉酬

嘉樂詩篇篆迹新宜人令德自天申謝君祝嘏慇懃意言志遺風見
古人

次韻奉和中洲侍講老詞伯二首

冥行適埴自招殃天意於人有抑揚却恨黃姑才思拙七襄終日不
成章

散步松陰嗽石泉猖狂不數竹林賢先生自有仙人骨商雒紅雲擁

曾筵

城山雅集賦贈青萍子爵

少小喜結交遠遊慕史遷白首尚能繫閉戶事鑽研何圖桑榆景乘
槎到漢邊偉哉青萍子相識已多年夜登滄浪閣握手仍歡延入都
少親知惟公實後先窈窕城山園巖壑帶清泉為我治潔樽招邀集
羣賢華髮映池水飄飄若神仙巖踞長松下鬪健賦新篇有酒如澆
淮揮毫落雲烟酣吟殊暢適幽賞勝管絃此樂足平生肝膽秋月懸
青萍金閨彥待客情殷拳壯年從戎幕盾鼻草檄傳中歲志四方西
遊得真詮歸來佐明主弼良功濟川時賢推樂廣

無廣晉人衡
安又時辭文八

水清女婚壁潤香萍春
醉之積無廣指春詠也 壺範稱桓宣授我儲君學橫經講禹筮

諭培國本功化被八埏茲事關大局邦交賴益堅徒懷私惠大道

本無偏

次韻和中田敬義

咸山之會中田君有故不赴
逆步余原韻送之復次以和

人來遲鶴報神往識屏靈地主推卿月天文動客星樽浪浮大白石
老對空青會面豈無日百年同寓形

陪 東宮訪春卧于大森屋

避暑大森屋恭陪

鶴駕行丁年議憲法甲第叩

恩榮

維新初春
卦與諸元

敷議憲法于此為紀念空
後蒙 御賜為春卧別業

車日欲暮碧樹猶蟬聲

手術驚人眼

日本人以幻
戲為手術軍笳暢客情回

上野公園

博園書館各崔嵬十里荷香泛客盃禹鼎當時鑄百怪何如屋裏活
看來

西鄉隆盛銅像

西鄉銅像凜如生英姿颯爽意氣橫牽犬獨立高臺上顧眄叱咤人
皆驚魯連一書燕將泣直以頸血灑聊城既知抗王之非法何不罷
兵共贊維新業嗚呼英雄決死非徒爾空使後人吊往劫

墨水舟中答大倉君和歌

江國新秋爽晚風二州橋畔列燈紅畫舫簫鼓鬧清夜疑是觀濤八
月中

日本自德川氏以來每於八月初一日士女咸遊
觀火花於墨水邊成俗節如廣陵之八月觀濤

芝公園德川氏遺藏

將軍
岩菟寶塔入層雲金碧樓臺護舊墳三百年來專國命邦人猶說古

芝離宮

芝離宮

詩

卷三六

七

迴廊複道上逶迤橋下滄溟入御池打鴨濱離宮裏去茶亭水閣畫
中宜

新宿御苑

溫室春風萬種花長堤芳樹繞清波籠中鸚鵡能言語已解方音喚
玉哥

日人呼其氏為玉哥樣蓋學其方音也

後樂園

蕙塵咫尺隱名區涵德亭扁記姓朱千樹梅花一彎水別開荷蕩小
西湖

主卷云此地形勝旌置如杭州西湖故洞門有刻字曰小西湖

寫真

平生罕接鏡中容况復衣冠變舊儂到老不知真面目眼前突兀白
頭翁

觀活動寫真

搖頭瞬目逞精神諦視誰能辨質真莫作劉郎癡絕想惟中遙望李
夫人

夜宿日光小西樓

洞天濃處入方壺泉響松聲病欲蘇女使能知遊賞趣上樓先賣日
光圖

遊日光山

久聞日光勝今日始卜遊出門高興發風輕雨初收暮泊小西館水
聲撼高樓亂山互縈紆萬壑爭奔流神橋記靈迹朱欄照千秋

塗之光辨如新人不勝道開初地弘法寤冥搜勝道弘法皆伽藍相
得渡別作他橋以渡

繼起泉石擅名區日出東照宮金碧滿山邱德川一代豪遺藏石室

幽從殉陋古俗黃鳥至今愁德川之華臣從死者甚多綠杉護千章參天黛色浮
巨鍾吼蒲牢高栢蟠螭虬彩閣列林間寶塔出雲頭壯哉莊嚴設輪
奘驚瞻眸靈境步步異遊筇未暫休英雄今安在往事一沱漚更問
中禪寺明日泛湖舟

華巖瀑布

山中三名瀑華巖最奇哉素練垂千尺飛沫散靈靈仰怖山石裂俯
眩深潭匯魑魅隱溪樹蛟龍鬪晴雷疑是河漢圻復恐天柱摧噴霧
滿山谷誰能衡雲排庶可配金剛未遽讓天台竈源上截菓平湖十
里開拍手叫奇絕遊子望洋回

中禪寺湖寺今廢以湖名

躋攀盡日度崢嶸滿地江湖眼忽明始信河源天上在支機吾欲問

君平

茫茫烟水白雲間十里人家帶碧灣一棹扁舟垂釣去不知終日在
青山

泉源亭次青萍韻二首

名亭卜幽勝活水出源頭地比逍遙谷時同河朔遊楓人應酒伴石
佛亦詩流虎虎曰此可作詩料滿壑松濤裏飄然似坐舟

蕭蕭留客雨來自淺岑頭何意衰遲境復茲迭蕩遊牛跡青山古引布
亭山故蟬聲碧樹流鄉關秋欲晚歸夢繫孤舟

聽琴次槐南韻時疾雷破山

詩聲琴響不聞雷一斛明珠八斗才只有文君白頭恨曲中不見鳳
凰來座有東老妓鼓琴和歌

疊前韻聯句和青萍

經綸勃鬱蓄雲雷君是當時濟世才雲養却在萬山園子裏石球不
知膚寸作霖來槐南

何人呵氣叱奔雷薦福碑摧未是才槐南莫怪新詩催擊鉢片雲頭
上雨方來雲養

路上次槐南韻

指點名山在眼中名山不見入雲空指及懸懸猶似佳人約微露晨
粧半面紅

柳澤川邊庄不遇主人次槐南韻

桑田未隴綠無涯臨水高樓帶晚霞莫道遊人仙分薄雲中鷄犬識
君家

布引山釋尊寺二首

何年水牯牛來此占靈境半嶺聞鍾聲悠然發澗省
路出白雲上行穿翠壁間山與不容坐且喜卧看山

黃梅樹

庭畔黃梅樹開花似綴金何時布滿地聽講祇園林

車中次青萍韻

暫息禪門世慮微輕身欲逐白雲飛山靈應怪塵容抗輕拂蘿風送
我歸

赴雨宮邀飲之局途中作

入門雨作出門收天意分明助吾遊點檢平生無一可贖將清福載
征軒

十里平郊遠，宙園野田。男婦樂熙熙，西風一路稻花白。正是幽圖七月時。

贈雨宮次青萍韻

高閣臨流卷幔清，主人留客見深情。登盤美味琴高熟，滿甕佳香白。墮傾萬樹松杉成，績好百年山水戰。塵情更聞閨範傳，遺像彤管應垂德曜名。

青萍以淺間山名與仙繫音同音日本欲改淺間為仙繫戲賦

一絕故次韻和之

望如衡嶽異朝曛，夢入巫山化暮雲。若把仙鬟粧淺抹，合施霓帶與霞裙。

飲遠近山庄贈主人冷灰博士

門巷依倚似夙緣，狂歌豪飲可忘年。貞魂昔日悲篔引指武尊戰地如今息燧烟，仙分已知丹竈近前山有巖如釜鼎野心應被白雲牽。園林處處吾遊足，那得分身化百千。

槐南迨示布引山詩有溪巖朗映鬚眉古，穩坐藍輿度碧山之句。蓋指余而言而畫出當日光景也。一笑和之。

蒲團坐似老仙癯，渡水迢迢欲覓吾洞山禪師偈語記得槐南詩。伯語鬚眉如活卧遊圖。

登見臺次韻和青萍

曲折苔溪去復還，行人恰似度重關。遙看萬朵芙蓉碧，矗立雲間妙義山。

熊野神人去不還，千年廟貌閉松關。風車雲馬無消息，帳望吾孀海

雲齋集 卷之六 三十一

上山 廟前有石輪兩枚俗傳為風車昔武尊駕海舟遇風於覆其妻以身投海風遂止其後武尊登此山歎曰吾婦何在遂為日本故事 瑞即祖字此地人懷古作多用吾婦

次韻和青萍

長松飛瀑亂山盤 縹緲晴台眼界寬 莫使遊人攜榼去 胡麻仙飯亦

堪餐 山上有賣餚店

妙義山次青萍韻

萬朵青蓮爭湧地 千竿玉燭上干雲 金鷄唱曉桃都日照破 昏衢天下文

又次青萍韻

怪怪奇奇各不同 化工於此技應窮 森嚴戈戟皆兵氣 羅列兒孫盡父風 撲地雲烟八州合 撐天石壁四門通 精英應產人魁傑 淑氣扶

輿鎮日東

臨行次青萍韻識別

君歸輕井我西還 恰似青牛送出關 雲去鳥飛成獨往 回頭不見敬

亭山

流水潺湲送我還 夢魂猶繞白雲關 碧山幾日紅塵遠 又向紅塵望

碧山

將還東京呈同遊諸賢

信陽東北多名山 丹崖翠壁飛激湍 士夫園林相望在 處處可作消夏灣 我來十日訪幽勝 披雲帶月攀石磴 東都賢主作紹介 復有羣彥聲相應 飛電無須折簡招 千里命駕不辭勞 林泉到處主人喜 蔡駒空谷共逍遙 相看一笑如舊好 叟頰提攜忘瘦老 高吟擊壺喚山

雲齋集 詩 卷之六 三十一

靈醉舞垂手驚林鳥淺山雲白離山蒼千曲流水吊戰場就中妙義
最奇絕羣仙鈞珮朝帝鄉東京歸路回首望森羅遊濁盡惆悵地猶
如此人何堪今日分手莫相忘吾輩並生君子國限一帶水豈云隔
傾倒披豁見天真豈伊異人是親戚青萍磊落氣凌雲黑頭台司著
茂勳平津好士開東閣黼黻皇猷翼斯文槐南腹裏藏武庫千頃汪
汪似叔度十年校書天祿閣宦情淡泊志不慕石埭樂易溫如玉愛
人如已絕吟域酒闌詩成興未已隨手揮灑寫梅竹冷灰清介罕笑
容金科玉條羅習中遺我一部團藥集琳琅璀璨繁丁東兩宮好禮
秉志確廿載種樹山不濯擬將此術施友邦仁人用心其利博

觀東京帝國大學

萬間大庇足歡顏一代英才共濟艱可恨愚民嬴氏術千秋質質作

荒蠻

東京雜絕十首

海灣東盡接湖沿襟帶雄都奠億年百萬人象飽魚鱉樓臺處處鏡
中懸

二溜東西起鳳凰清濠十里繞宮牆 九重穆穆垂衣坐國內無人
不着忙

撲面緇塵畫亦昏市區到處物華繁王侯第宅還濬寂盡日垂楊綠
到門

牙籤紺帙積琅環一任遊人盡意看文物猶存千載跡儼然歷代古
衣冠

東人善學似水藍終遜奇機初造能最是一腔忠愛血荷戈赴陣氣

後稷

徵鼓鼙出日明升堂濟濟子襟青年年考藝鶯遷木箇箇乘風鯤
化滇

營營百業晚休勞日暮公園散步驕飯館酒樓四十八越燈徹夜沸
笙簫

京裏洪爐欲發狂已聞富岳雪花湧貴遊暑月多休沐山湖無人
置庄

生前欲殺死傷之天網恢恢不禁私請看街頭銅像客誰非築蒿
當時

東京兒女豔於花裙履珊珊翠黛斜新橋朝日迎郎去拂路香風
滿車

次韻和青萍

亭欄臨水碧漪涵十日仙庄筆墨酣安得維摩神妙術移來不動佛
尊龕

祭詩龕復用前韻贈石埭主人

清狂久被碧山涵又到長安市上酣可笑聳肩窳實島前身長在祭
詩龕

贈百花園主人

淡紅淡白媚秋陽瘦蝶寒螢擅衆芳如此名園閒管領主人應也不
尋常

八百松樓石埭畫

妙舞清歌夜正暹百松樓下海門潮千金不惜纏頭費第一風流二

國橋

次韻和春詩

雲盡南天鴈獨歸來時成陣去時非莫教浩蕩鷗盟負江國秋淡水

正肥

原韻○迎君來又送君歸離合何須問是非鄉國應知秋月好離魚沈復漢江肥

次韻和青萍

歷歷雲山馬首橫故人詩到慰行程一泓休道滄波阻兩地同看月

色明義在安邦惟守分誰能處世澹忘營君看急峽奔流水纔到平

川復息爭

原韻○大火西流灝氣橫三韓使者上歸程觀光應思資開化湖非邪忘補聖明守內風雲要警戒空中樓閣設

經營因君寄話迷歧士天意不容蚌鷸爭

次韻奉和三島侍講

三島賦七律二首贈余余以臨行恩恩次韻賦五律二首和之

地異文相同事窮變則通大功須歲計吾道貴時中政俗因秦弊談

論尚晉風如今一掃盡何異破荒鴻

通儒不拘束達職任推遷鼓瑟聲鏗爾草玄意泊然文章驚世俗學

術貫人天富貴何須慕於公願執鞭

離東京作三首

丈夫志四方白首到扶桑未脫腐儒習困於詩酒場

未見富山面但見富山雲人問山中景青天一抹痕

異鄉秋月明客子動歸情回首重光邸遲遲覺我行

我東宮御用邸日本

皇太子題扇榻曰重光軒

西京雜絕四首

平陸行舟隧道開琵琶湖水入山來鴨川兩岸笙歌沸橋上遊人鏡

裏迴

東山一帶盡紺園塔廟相望梵唄喧禪宗十二何多別千佛本來無

一言千佛殿

豐臣好大侮西隣當日尊王亦假仁古廟猶傳遺像在果然射目

狼心人豐臣廟

幕府當時覲紫宸天皇御所殿名考圖受貢儼西巡 皇宮咫尺涼真只

戴虛名奉若神

過大坂

十萬人家傍水涯彩帆畫閣映朝霞客路忽疑鄉里近高麗橋頭暫
駐車

士民殷富業工商大坂繁華亞帝鄉粉壁綺疏連巷陌風流歌管似
平康

馬關旅店主人請紀念詩吟一絕贈之

扶桑西盡赤間關一棹萊州去復還別後何須論紀念青山長對舊
時顏

還泊釜山

袂針織綠我車東今我來時襪紐紅自是王程神有護汽帆無恙返
秋風

已庚詩草已庚以後詩亦附載

贈西湖子爵已酉

名樓暇日共飛觴談屑霏霏到夕陽時事關心唇齒切曾襟無際海
山長春淡花木綠泉館夢繞烟霞片瀨庄細月簾櫳人半醉庭梅自
發吐清香

內閣諸大臣及諸元老北村諸名勝會于三清洞之感恩亭
飲酒賦詩賞花會者為二十餘人約自此選日輪回開筵時
陰三月初六日也

撥穀聲明天氣新翩翩冠蓋赴西隣閒忙雖異皆同志榮悴無多易
隔塵白下時看沽酒客玄都來問種桃人亭主玄遂安興洋也莫言此世無高
隱谷口誰知有子真時座中有人言古所稱真人皆虛言真人在世外故云

是月十二日會于花開洞平楚亭齊純吏部設局也

林間飛閣擁書城細草如烟嶽色晴下里何堪酬白雪東山復起為
蒼生老人猶識酒中趣名士初聞洛下聲乘興更登高處望風花雪
月四時情後園最高處有一閣亭名風花雪月樓余曾有記

翌日會于三溪洞雲岫宮別墅完興文招飲之局也

行尋幽蕊轉清溪每到詩成日欲低石逕穿過城上下桃花浮出水
東西大夫一去巖松老帝子不歸春草迷三溪亭子舊屬游觀全相國後歸石坡號王孤

負平生印壑志登臨無力費提攜
蓉山第六師團司令部落成宴次韻奉和伊藤太師兼呈師

團長西島助義

壁壘儲香護 帝城蓉山東畔建新營虎躍龍騰旋唱凱戰塵無跡

大江平宴後餘興作擬擬戰伐狀

參書發刺日余先發向平卯出門作

離家昔日復忘家今日離家意若何辛苦前塵都屬夢蒼茫後事要
無涯西河淚盡惟枯眼羸博魂歸但故阿老父自持身尚健泉臺好
去莫咨嗟

青萍寄贈善隣唱和集一冊蓋與我國觀光團諸人會飲城
山賦詩相贈者也篇中有見懷鄙人之作

隣誼朋交兩洽然觀光車轍互相連

我國觀光團百餘人遊覽而歸日本九州神戶大阪東京諸人

欣聞雷肆增新識况復城山續舊緣落月停雲入遐想

敲金憂玉動高筵遙知郢雪多追和重刊何時海外傳

分作數次觀光而來

翠雲亭席上次韻呈春詠

蒼顏華髮共頽然洞裏逍遙紫府仙歸去應須陪 鶴駕遙望北海

彩雲邊

春詠歸國後將陪我呈太子避暑于北海道故云

次韻和春詠陪我 東宮行啓北海至小樽車中作

扶搖六月鵬圖壯避暑何須在九成輜駕供張千里遠小樽山水百

年清好將隻手乾坤整欣睹 重光日月明他日東洋應造福士民
處處歡迎爭

青萍寄在遠近山莊所賦詩一首詩中有追懷前遊之意次

韻和之

老夫情弱意何濃回憶前遊淚滿襟泉源

夜雨聯雷句

千里相思費越吟錦字西來珍重讀那將土鼓答韶音

青萍又寄一截吊余西河之賦次韻謝之

風霜百劫剩孤身舊恨新悲觸目新痛捨區區詆牘戀世間達觀定

何人

綠泉亭壁上見春詠臨別詩一頓次韻和之

綠泉何似峴山亭江漢風流歲月經珍重離筵留贖語靈臺一片勝丹青

西湖子爵次前韻求和更步其韻和之

蕭散巖扉似野亭公餘閒讀攝生經治遵何約心清淨他日同垂汗

竹青

原韻○漢陽一望綠泉亭靜養新茶味
經培養慈熱五年後北山諸色化松青

隆熙三年九月 太皇帝萬壽聖節賜耆老及諸臣宴 大

皇帝進御製一首命羣臣賡進

九重仙樂動秋天嵩嶽三呼繞殿前 聖孝南宮親上壽萬方協氣

祝堯年

哭李心齋道學尚書

妾蛇退食絕逢迎桃李不言蹊自成一世清名推北斗五州遺化媿

西京燕居孺子何深念流涕袁安見素誠壹鬱此懷誰與語哭君卽是吊蒼生

哭春訃公爵

已酉秋春在哈爾濱過客於緝人安重根舉國驚震余以元老代表往日本會葬作挽歌以

神助

山川淑氣赴長州天降英豪管樂儔匡濟經綸彌六合明良際遇曠

千秋平生不作為身計盡瘁方知至死休魯野泣麟豈天意海雲漠

漠不勝愁

慟哭人間萬事非良工心苦有誰知為遼東亞生民福來作西隣

帝子師桑土此時備陰雨葵丘他日會裳衣太平成績不親見空使

英雄恨淚滋

十年漂泊老書生猥被明公接引榮消夏芝城揮健筆同舟滄海濯

長纓忽驚大澤神龍去誰識泰山微蟻傾空有巨卿來執紼升堂不見笑顏迎

日本歸路日人問今行得詩幾篇書此示之

憶昨東遊隨太師吟中山水競換奇誰知人事一朝變來往都無一字詩

西湖統監示春畝詩一截即絕筆也要次韻和之將送本家

藏之

擎天壯氣作河山身去名留宇宙間萬古表忠雲外塔行人指點淚

斑斑日人方建表忠塔碑於大連灣以記春畝之忠

次韻和海州裁判所判事日人戶田忠正

宦遊殊域一蘆廬清俸惟支鶴料符文軌同風隣誼厚神明決獄海

民蘇名樓尚記笙簫句

余曾遊海州芙蓉堂詩有閑無事弄笙簫之句

古範相傳忠孝圖

戶田又祖兩世以忠孝著聞三萬中洲撰墓銘 遙憶中洲詞苑老健康猶似舊時無 戶田受業於三萬有舊故云

賀高雨亭永喜戶部六十一歲壽得年字

南陸初長瑞日曛
瑤絃玉樹照觴筵
從無半卧樓臺地
穩涉層波澗
瀕甍醇謹家風今
內史敷腴容髮古
神仙世間備福如
君少叟有頃
篋樂暮年

賀監查院卿張癡菴回甲長筵是日鄉春園聚行孫婦耕儀

春酒盈樽笑語闌
弧辰更喜撫脰盤
百年綦縞齊眉樂
五色斑斕繞
膝歡白首還家異
江摠丹心憂國見
袁安風霜閱盡雲
衢淨依舊中
天明月圓

書贈巖田次郎技師巖田方務蠶業勸誘國中人民

先王經濟樹塲桑發展奇功在尊揚衣被生民千萬口家家養得馬頭娘

西湖以病辭統監賦送一律道惆悵之意

庚戌春

有鳥鳴求友空山伐木丁西湖春水綠南嶽晚松青

西湖嘗有後洞堂詩求和以表

歲寒之意

盡瘁為王事休官養性靈何時重把臂悵望暮雲停

訪俞榘堂于詔湖亭

亭即舊日龍眼風蕭殿行宮駐蹕所也王人封署正堂奉安御真

登臨爽氣颯如秋華嶽晴光落案頭古殿煌煌瞻黼座長江滾滾

繞皇州

恩波鏡水霑新賜盛事湖堂憶舊遊

龍山有讀書堂遺墟舊日湖堂諸臣賜暇

遊處也

老覺紅塵無意味憑君添買一漁舟

和樂園次日人國分漸庵韻

流雲滎古郭碧樹侵疎櫺酌迷歸路連天草色青

哭曾禰子爵

庚戌秋

青青湘南水悠悠片瀨水東望淚如雨伊人不可起伊人問為誰曾禰西湖子平生仗忠信精華內蘊美籌餉足兵食務本納民軌三載贊統務寔事獨求是對之如飲醇恂恂字盈蓋東歸猶西悲憂我若恂已老成淡遠慮後人莫輕視身後名益彰如公定不死未伸匍匐義嗟我病入髓不須長惻愴相見在藁里

重九病枕見菊花作

行藏出處摠違心骷髏無端二豎侵把酒不堪賞秋色真黃花對假陶潛

再從弟奎復六十一歲初度日書懷送之十月

日長山下頌人村正廟賜夢格先生詩有日長山下頌人回之句清白傳家有孝孫舞彩觴

廷識餘慶瑤林玉樹滿芳園
勤儉常持畏約情悠悠薄宦不成名
寢印遺業猶傳世不失名家舊
典型

次韻和俞渠堂

靜坐還多慮苦吟更損神
但愁天氣冷焉識歲華新
兒女圍爐會笑言一室春
平生印壑志老作未歸人
薄暮招舟子遙望江上亭
斷崖停白雪高樹隱明星
謀酒消寒夜種松割半庭
塵籠誰得繫雲外有脩翎
伯陽本周史遲暮適流沙
澹泊謝名利優遊送歲華
聞名誰得見隨遇便為家
浩蕩白鷗性烟波萬里賒

久病絕迎送無人獨掩幃
倦鷄臨柵晚凍雀傷簷飛
歲儉米薪貴巷深車馬稀
獨憐江上客釣雪擁蓑衣
詔湖清且曠之子卜幽居
昔為比翼鳥今作兩忘魚
野渡多風雪市塵混井閤
自慙久住世歲華又將除

森槐南輓

槐南詩中虎妙詣超古人
咀嚼百家英驅使如有神
把臂芝城館意氣白頭新
叔度傾汪洋坡谷凌嶙峋
早受藤公知禮過入幕賓
天寒塞北路慘澹血殷輪
臨難不苟免已許七尺身
傷肢何足惜誓不形頓呻
歸舟百韻詩凄愴不堪陳
我昔趨病院握手慰苦辛
未見纔兩歲何意遽返真
夢驚襟月落愁積海雲屯
騷壇今寂寞風流屬前塵
卧病違執紼遙望淚沾巾

故淳昌郡守尹玉居 秉觀輓

松亭酒煖主賓歡 雪夜同消九北寒 十二梅花開次第 詩成好向月

中看

金平環甲根家在紫霞洞有盤松甚奇名曰松亭余於辛未年買家松亭南與玉居逐日會遊于松亭結詩社輪回設局號曰

十二梅

韓尋孟覓幾多年

釋貫休詩出山園一別江湖更渺然素老網翁俱

寂寞幽蘭洞裏夢魂牽

中洲後老友嘗有幽蘭洞夢會詩余及玉居與素山網堂皆會中人也素網兩公俱已作

道山之行

青雲志氣白頭新 蘊藉風流似晉人 地下相逢知不遠 未須戀別謾

傷神

日人古谷久綱故伊藤公記室也所居即藤公所買與者因名藤蔭索知舊詩文以紀念故賦此贈之古谷現帶宮內祕

書官屬我 東宮供奉

紫藤花下屋瀟灑 出塵中槐柳當門映圖書 插架充敲扉懷謝傳譽 樹憶韓公簪筆梁園客遙知臭味同

題三溪洞石庭山庄

辛亥春

一幅溪山畫裏開 當年赤舄此遲迴 平泉花石今無恙 時有謝公攜妓來

次韻贈寶雲本葉禪師

法界鍾聲震九寰 紅塵咫尺占清閒 聽經老石亦應點出齒白雲時 自還未許凶蜂鑽 故紙但聞木馬嘶 空山虎溪勝事今宜續 一笑相看畫裏顏

書贈東海散士柴四郎

東海故人曾識荆眉開奇氣鬱崢嶸文章到老心猶壯領畧遼河萬里程

順獻貴妃輓章 六月

瑞彩光前曜德容冠後宮綵絲呈異表彤管紀陰功不敢干恩澤惟聞頌儉風幾年望 鶴駕攀緋恨無窮

夙著柔嘉範爭瞻淑慎儀寵隆辭御輦門顯作華楣警戒燕安日周旋患難時泉途紆 聖眷環珮去躋

贈別木內長官重四郎

木內君有志好義之士也官道此邦與吾父子相知甚厚年友夏浩然乘

官而去曰吾非為祿而仕將欲行其志也何為龍槃一方子余臨別握手依依踏且曰以子之才必不落英於世願聞子之志木內曰吾將增修學業練達時務西與大陸聯絡聲氣同心協力以依東洋大局是吾素志也余曰壯哉吉予吾不可別以區區兒女之態存惜之意遂為詩以贈之

與君相識晚一見便知心贈紆風流篤飲醇臭味淡經綸聯大陸意氣輕千金海上多歸鴈因風寄惠音

次羅經田摩尼山祭天壇韻 七月

文山德浦接三天教當年此地行神祖洋洋如在上兆民蠢蠢厥初生牲牢百代修明享鸞鶴千秋繞古城一路瘡風懷舊蹟歡欣敬

愛不勝情

摩尼拜真錄云經田在壘城壇下逢一老夫從洞口出自稱摩尼山下樵夫為說山中古事檀君威朝日昇天菓壇祭

天以天教文山等地名云言訖不言姓名風然而去

故軍部大臣尹公雄烈輓

熱血常輸愛國情白頭不懈奉先誠請看海上三株樹超出名園百卉榮

閩藩重寄歷關湖寵擢中兵贊廟謨晚節逍遙城北屋世間清福似

公無
自慚蒲柳早先衰
雙鑠公如少壯時
人事差池誠未料
秋風星落不勝悲

賀鴨綠江鐵橋落成式

三江本限兩界四海今通一家
纔畢架橋工事平從衽席上過

又

緯線截天漢
經塗貫地球
告功烏鵲喜
失宅魚龍愁

病枕次鉉玉

李錫鼎 李塔 李塔 韻

冬日淒淒古漢城
佳賓在座病懷清
隔窗霜月寒梅瘦
滿地風雲高鳥輕
身世虛邀三有禮
功名自愧一無成
飢食渴飲隨時去
長樂何人老太平

日人戶田忠正寄拓本二紙伴以詩函為詩謝之

多謝戶田君
慇懃慰我病榻來
兩本書寄送
新春詠幾處
風雲興何邦
龍虎競吾衰
獨閉門黃髮
青山映

來詩有隣邦風雲之語

寺內魯庵壽宴詩

耆舊陪鳩杖
鷗筵開綠亭
風流裘帶緩
勳績鼎彝銘
玉局奏新曲
海籌添卯齡
仙姿應不老
富嶽萬年青

日本志士岡本柳之助輓

卓彼高岡鳳
亭亭秀不羣
經綸挽頽日
義氣薄層雲
不避艱難際
原無畛域分
招魂歸故國
哀些那堪聞

完興李公輓

天潢貴胄作維城
金冊曾叨寵爵榮
異域趨庭忘飢渴
漢宮警夜天

精誠處家為善東平樂謹度修身北海明花萼樓中人不見重泉何
以慰宸情

謙退休休性謹醇滿腔和氣一團春宴居淡念憂宗國雅量虛懷邁
古人孟氏友賢忘貴勢河間獻樂賁昌辰卯山華屋一朝變萬事淒
涼不可陳

冲襟一片照水壺白首公門數曳裾醴酒風流那愛得鉞磁氣味若
相符松亭聽雨仍聯榻溪壑尋春每共車無限人間知己淚梁園獨
有病相如

贈德富蘇峯

德富名楮一郎文雅士也受魯庵公委託在東
京寓真館攝出說文翼徵書五百部傳布于世

清名舊日仰高山晚契緣深翰墨間千載寥寥說文學謝君勤校入
新刊

朴溫齋所著說文翼徵書時人莫之知也寺內魯庵為之刊
布於世古語云雖有至寶待人而顯豈不信乎遂感歎賦呈
一截

史皇遺意辨金銘作者苦心愚者驚照與世人公眼目千秋應誦魯
庵名

三駒三日洗兒詩

老馬生駒頗駿雄長嘶躍出溼洼中眼前已有食牛氣日後須看跨
竈風但願一生守愚魯休將八字問窮通殘年心事渾無賴微爾誰
能慰乃翁

吊海軍大尉尾中諦治君

日露戰爭時
死於旅順海

功成身死死猶榮忠孝元來得性靈戰地不曾留片骨惟將明月照

丹誠

題金召棠夷準汎槎圖

召棠嘗隨其大人通信之行過大風於日本海幾危僅濟為圖而求詩

羊角風吹八月槎檝摧檣折意如何黃公州載讀書力玉遂聲中息

萬波

壬辰亂後秋浦黃文敏公奉使日本舟中遇颶風較不得濟公作普海文投之風止文有四千里行役室散一處憐勞三十年

工夫正宜今日得力之語海東樂府新羅時金官玉遂有萬波息曲

賀李安山東綸慈闈貞敬夫人金氏百歲長筵

王母之壽不知幾千秋乃在西極崑崙之丘夙世有緣君子宅來佐
壺政作好逌一生勤儉成家業兒孝婦順樂無憂燈前刺繡不用
鑿鑿護竹柏貞質老益適去年祇受一品誥霞帔鳳冠寵命優今年又
開百歲宴笙歌南陵潔膳羞麻姑遠送君山酒海屋年年添遐壽碧
桃花開又結實四時春風吹不休

詩餘學步

庚子春在濟州時作

謫居無事偶閱華人王秋垞小詞二十首戲做一遍余本
不解聲調必多舛誤猶之邯鄲學步無乃並失其舊步歟
因命之曰詩餘學步

滿江紅

南城餞春

閉戶三春經過了花朝上巳又過了清明寒食光陰如水湖草細鋪
開餞席林風輕拂摧行李更可恨觸忤旅人愁勞延企
回首六街三市不見萬紅千紫覓芳菲祇有汀蘭岸芷撫迹恍疑尋
舊夢解攜那肯回芳躑暗思想浮世片時榮都如此

滿庭芳

出西城遊龍淵

古郭雲深殘村水抱眇棕櫚聳出疎籬扣門拄杖休問主人誰多謝

雲齋集 卷之六 四十八
慙慙鷄黍消半日談笑忘疲儘堪畫田家風景一兩麥田肥 龍淵
淡綠淨羣魚亂躍波面涼吹喚竊愁汀洲草色迷離北望家山何處
涵積水不辨端倪逝將買扁舟草履與子釣連漪

念奴嬌

徐養泉參書新歲愛姬名香蘭美而慧供奉甚勤不幸夭逝養泉甚悼惜之余為作挽歌小詞

歡情濃處別恨深况復幽明路隔誰與臨叩同滌器倒羨文君頭白
紅苧歌殘梨花夢斷淚灑青衫濕撫琴尋操堪歎空谷蘭折 辛苦
三載食貧縞綦自樂不慕公侯室瘦減腰圍容色悴但願兒夫早釋
佩悅香消箱奩塵掩觸目皆陳迹此生緣薄鸞膠重續何日

醉太平

候翰姓

來如候仙去如閨弦眼窮千里欲穿抵一日三年 還鄉夢牽思鄉
路綿橋為底事留連為歸愁滿船

減字木蘭花

白牡丹

天然素質對月難分穿一套羽服翩躚疑是人間降謫仙 金盃玉
盃曉露新承消不得黯淡春愁分與佳姬折挿頭

賀新郎

謫居

臣罪當誅滅豈曾圖恩存一息屢看春色憔悴江潭佳期暮空戴切
雲岌岌縱喜此水明山碧老去異鄉終不慣孰令余晚作長流客徒
嘯傲閒風月 雲濤萬疊傷心白問何時飄然一棹乘風歸國瘴雨
蠻烟經歲歲自念身非木石恨失路諸公同謫勿效楚囚相對泣啜
新茶細和淵明集人百代如晨隔

聲聲慢

夜坐

悠悠惚惚杳杳冥冥寥寥寂寂歷歷內照無言彷彿少林朝壁誰能

繫住猿馬一刹間周流六合遊廣漠返冷風依舊寸田尺宅 閉眼
森羅陳迹如幻境驚過去滄桑劫槁木形骸剝得不生不滅算來功
名富貴總紛紛夢裏蟻穴這苦海沒一箇能渡覺筏

夜行船 許小癡畫屏

竹樹茅齋清似水柴門前羣鷗來止桃岸繫舟柳陰沽酒笑無賴逐
源漁子 擇勝幽亭隨意置染生銷烟雲變態山鳥不驚野花如笑
風塵外主人誰是

眼兒媚 芍藥

十雙紅玉買殘春一顧擅芳園暈潮上靨冷霞染袂香色難羣 折
來溱洧云誰贈知有所思人將離托恨同心結子佇立銷魂

一剪梅 怪石

老石嵌空賦詭形出自荒濱來鎮空庭結趺高座狀枯僧莫是觀心
還是忘情 巖壑玲瓏洞府清低處宜橋高處宜亭世人輕薄孰如
卿我願為交又欲為兄

踏莎行 芭蕉

炎晝涼棚雨朝清籟非花非木超凡卉萬香堪比研光箋當年懷素
供揮灑 倚石添奇依牆拂翠且勤日日澆泉水寸心不惜為君抽
飄飄空負凌雲志

如夢令 春夢

口應侑人還睡身化蘧蘧蝶翅薦地到家鄉欲說離情未細牢記牢
記此境重尋不易

憶江南 聽趙雲成洞蕭

飄律呂訝直上青雲中曲依依春恨積餘音嫋嫋客愁新惱殺倚樓人

高陽臺 浴佛日懸燈

異域良辰親朋畢集今宵浴佛天晴節物如何試看屋角張燈長繩
纍纍明珠綴照乘車不啻連城且和他村笛山歌同樂昇平 八關
遺俗一年佳日祥毫放彩大地光明看到更闌漸如落落晨星旅人
不寐挑殘燼酌匏樽共說鄉情祝吾 皇萬歲千秋松柏因陵

虞美人 紗峯落照

扶搖吹拂金烏翮飛入祝融宅怔營百怪失其棲但見愁雲慘淡海
門迷 虹車霞靱波頭沒山暗風蕭瑟人生不得駐青春誰把長繩
萬尺繫羲輪

水調歌頭 鋤菜

隙地僅容笏一帶護籬笆且依王氏僮約鋤草別蔥茹不是英雄韜
跡非做綸扉事業淡泊寄生涯莫遣羊兒踏律呂警牙車 庾郎韭
陸公杞即侯瓜四時供用食葉嘗實更看花膏雨常嫌未足抱甕休
辭勞碌擬學樊遲圃經濟在山家

浪陶沙令 鳥中素難買假況值儉歲窮春
有數者不肯出售謫客尤困

儉歲落荒濱又值窮春不知何處積紅陳縱有青銅難買得珠玉非
珍 自笑廣文貧素昧謀身窮途空望指困人涸澍誰能沾斗水腸
轉如輪

沁園春 望漢掌山

五嶽真形瑯環秀色轟入海天訝遠看冥杳近看的歷橫看磅礴變

態殊干

漢穿山去州城五十里有時者冥悠遊如在數百里外有時

移變

玉醴長流十洲記瀛洲有玉醴泉紫芝可採白鹿來遊不記年頂山

有白鹿潭古有仙人來白鹿來遊處

雲漢處開金堂石室秘籙誰傳 開門日望悠然

喜一幅廬山面目全變松間明月林間宿霧巖間積雪齊到眼前上山

常有積雪望之皓然至感夏方消晚壑流丹情空聳翠鰲背蒼蒼戴嶠圓漢穿一名圓嶠知

何日辦青鞋布襪長嘯登巔

小聖樂

吊攝林書院道墟

天降諸賢遇明時不幸流落瘴鄉我今寓慕何處真椒觴遙望城南
廢院蔭一樹古槐殘陽如復覩五先生氣像月霽風光 志存君民
堯舜奈萋菲成錦繡蕙被霜道高命舛此理問蒼蒼更惜時移事遠
撒籩豆春秋烝嘗祇見那遺墟石標朔望焚香

長相思

夏初見月

瘴雲收海天悠佳月嬋娟懶上樓見人還似羞 拭吟眸撥鄉愁萬
里今宵同見不停盃搔白頭

雲養集第六卷終

